



重修猗氏縣志序

梁繼對自他
可普山美耶進
宜石書函

正德
分志

丙申仲夏余自虞量移平陽郡

平陽郡志

命後屬州邑例送輿圖志書以便攷其山川

察其形勢風俗之所尚人情之所宜隨地

設施因人發政襄盛治也而猗氏獨無有

移取之令復志板燬於康熙丁丑歲惟某

紳家尚存一帙什襲藏之將以守先待後

誠深思遠慮者也越明年七月余攝猗篆

序

假志覽之迺知猗志輯於正德間萬歷壬

子續修逮我

朝康熙癸丑邑先達太史衛君廉使王君大

參郭君復增修之因語其鄉士大夫曰志

者紀也千百世以上之人之心不可得而

見閱諸紀載而其人其志如在目前故忠

臣之志在於事君而常變弗渝之之志

在於事親而死生一致廉吏之志系如春

泉仁者之志溫如朝靄昆弟之志則惡難
歌齊令友朋之志則同聲咏伐以行其
志於廟廊或堅其志於廡下或樂其志於
雷澤有莘或尚其志於高山流水成都一
簾志也洞庭千樹亦志也設一旦失傳為
之子若孫者漫無攷據不幾抱怨恫於中
心乎且自康熙十二年修輯以來迄今已
四十餘年豈無忠孝節烈可嗣徽音而昭

序

二

來許者亦當采而入也願亟圖之於是鄉
大夫咸稱善遂立館設局分門別類而屬
吾友總其成規模一遵往哲凡前人論列
仍繫於各條目之後其人物諸賢小論仍
附本傳戶口田賦務綜覈精確雖費搜尋
可令人一覽而悉寧詳無畧寧慎無濫彌
月以來大綱節目粗具復會紳士公學校
互相參正訛者改之遺者增之信者存之

疑者闕之其所收皆秉公舉察無一私徇
瀹者敲冰呵凍炙硯者又一月而告竣余
首捐金募役亟付棗梨半資紳士協力報
成今猗幸有完書而余曩者之志始遂矣
夫在邑為政在心為志猗人有猗人之志
我有我之政若不取其不絕如縷者而惡
成之以發其千百世以上之潛德幽光將
何以為世之法程哉雖然余亦裝潢焉已

序

三

耳士貴自樹立不待文王後興世固有建
非常之事業著絕代之文章振敝起衰以
傳諸千百世之下者非斯人也歟吾則深
有望於有志之君子故弁數言於首
康熙五十六年歲次丁酉孟冬之吉

誥授奉政大夫同知平陽府事兼攝猗氏縣

印務濟寧潘鉞清聞氏撰



重修縣志序

國家之傳信莫如史郡邑之傳信莫如志而志與史實則互相表裏者也故郡邑不可一日無志猶之國家不可一日無史我

皇清一統志自康熙壬子纂修以後垂六十年中間休養生息戶口繁滋物產豐

猗氏縣志

序

碩人文蔚興禮樂明脩所宜增益者多矣

今上龍飛之七年復

勅十五國徵文考獻彙纂通志以昭車書

一統之盛隨蒙各 憲臺檄行郡縣接

古續今各成志書以脩採集猗雖彈丸

黑子之地然爲河東要區三晉巖邑山

川靈秀人物權奇掌故可不脩歟昔歲
丁酉署邑事平陽司馬濟寧潘公嘗踵
舊志集名儒而編輯之適以事去官書
未克就余承乏茲土因糾集紳士理其
遺緒考訂舛訛并取丁酉以來十三年
之事附益於後凡五閱月而後成書書
成余讀之而歎曰甚矣作志之難也蓋

荷氏縣志

序

二

地係桑梓則褒美或失之濫且誣人不
土著則見聞未必其詳且確况年逾甲
子則卷宗之散佚不少父老之傳聞無
多有一於此非繁則漏斯志兼而有之
欲其簡而能該詳而能要豈不憂憂乎
難哉夫志揚善隱惡雖與史之善惡並
紀明法戒示勸懲者異體然歷世之典

章一方之土俗備焉因革以著朝代坊
里以正經界學校以育人材郵政以捍
災患賦役定而里胥不擾兵防修而萑
苻不驚官師有表則治入得循蹟有紀
則治法傳戶口之登耗不常宜用滋培
風俗之貞淫不一宜用倡導觀形勝而
知險阨察古蹟而識興廢紀選舉以勵

絃誦溯人物以志景仰城郭增之而日
崇河渠濬之而日深孝子節婦紀不絕
書山川鬼神禮無乏祀其間利何以興
害何以除俗何以厚政何以成披文覽
籍法古籌今可以不下堂而境內治方
今各憲臨蒞茲土度式金玉操凜冰

天子一道同風之意下厯窮簷饑溺由已
之憂修舉廢墜禁止惰窳風氣蒸蒸日上
上余濫竽一令亦惟白水盟心以期青
山無愧步諸大君子之芳塵然自顧
駑鈍惴惴焉每懼其不逮而此志之修
也惟是損益前書編綴近事偕二三同
人樂觀厥成而已若夫黜浮崇雅賡颺
休風以俟後之君子則余豈敢肯
雍正七年歲次己酉仲秋上澣之吉
賜進士出身知猗氏縣事文登宋之樹

譔

猗氏縣志

序

四



荷氏縣志舊序

吾邑在周爲郇國至秦荷氏割封遂稱荷頓國朝置縣因命曰荷氏云東峙姑射南拱中條西連蒲坂北障孤山亦河東浩穰之區也正德間曾輯志志其概歷年久殘缺荒穢舛譌無徵不佞每私竊慨之先是丁未里居時嘗憇息前明府盤陰馬公舉其事乃殺青未竟而去繼自今明府馬公來蒞茲土起敝維風三年化成慨然於此典之不可終缺也公餘購得原本復邀諸孝廉文學正其亥豕次其錯謬缺者補之茸者芟之叅互考訂衷以己意凡得若干卷付之剞劂氏越三月而竣役因徵不佞言弁簡首不佞

荷氏縣志

舊序

蓋深有感於明府之嘉惠吾邑至渥也夫志識也古史之流也權輿於禹貢及周禮職方而班孟堅因之作漢地理志其後則代各有書而郡與邑又各自有紀乘凡以志夫山川土地人才物產戶口風俗志之一時俾傳之永世觀風者有以稽盛衰秉政者有以酌輕重感時憂事者又有以洞隆替之原而施補救之術非浮文虛夸無裨於人心世道者比也昔堯都平陽遺化不泯故三晉之民勤儉質朴憂深思遠有陶唐氏之風焉吾荷在唐畿內被化尤深其人文事業亦復不減諸名郡邑然而有識之士猶不能不爲今昔之感則何也蓋昔以出作入息徃征羨慕而今

且有耽佚忘本者矣昔以污樽抔飲殷殷屯屯而今且有
後靡廢業者矣昔以尊尊親親恭敬畢讓而今且小加大
少凌長賤妨貴者亦往往有之疆土不殊而舉目有涇瀆
之異則人心之一大變也倘覽茲志者穆然深惟昔何以
淳今何以漓昔何以由涇而之漓今何以返漓而之涇樂
只君子挽回於上鄉士大夫暨父老子弟相與觀化於下
以庶幾不失古陶唐之遺風則茲志不朽明府之澤被吾
荷亦且不朽豈不誠盛事也歟哉明府善政善教藉甚口
碑後必有史官書之茲不具論特論其所以修志者如此
是爲序萬曆癸丑賜進士第加正二品俸巡撫甘肅等處

倚氏縣志

舊序

二

地方贊理軍務都察院右僉都御史邑人荊州俊謨

山人曰孟堅作地理志而方輿網羅畢弋則志爲古今重
尚矣余自束髮咨嗟吾倚無志未嘗不翹望於邑之賢大
夫正德間雖有纂集而靈蛇未握故冊且脫落不存今冲
宇馬明府慨然有輯捐俸而銳爲之三閱月而告成不佞
數十年之繫思一旦躬逢廢舉缺修非厚幸哉倚之失載
肯易歲踰歲易紀踰歲之仍紀之迭遞相因而編錄泯泯
者百餘年矣地產之章器髣之枚若兌若枏若齒若藝剛
柔風氣習尚轉移詎今昔之能一乎非志何從識繁索識
盛衰識涇漓也故志之未舉往詰之軌非不耳也史之所

耀非不目也耳者谷境而目者他書穆穆已耳志一輯其
收之也以蒐乎其躅其蒐之也以匯乎其躅辟之珠玉在
櫃矣古蹟之遺鄉也誰爲尋求改核既明射覆摹疑悉可
弗事緹帙披理當不苦於高標之神會焉續鳧脛反以憂
斷鶴脛造以悲非所續非所斷雖宜之異乎然古有治於
今以爲少戾今有治於古以爲不逮鑄古爲今變今返古
悉於是志之稽得之則戾之爲是編也其益於猗稱洪注
矣或曰是編成而垂之異世不易誠哉是言也夫戾翔之
以慎訂之以確謀於鈔故詣極也滌於新故改觀也寧垂
世之不永耶戾悉借手於孝廉諸生謙遜而不自居於裁

猗氏縣志

雜序

三

定孝廉諸生壹稟戾之指戾不得讓遜其不自裁定竟本
侯意以善其成亦善治垣善治木者方圓曲直之各中矣
不合於桑林之舞乎今役於王事有年未見出已俸爲地
方脩廢舉墜者有之戾之外無再也戾持冰檠之操仁慈
愛民又成此大典則余束髮所致思於邑之賢大夫若有
待於今日直不孤數十年之翹望哉萬曆癸丑大中大夫
原任貴州布政使司叅知政事邑人衛廉讓

不倭自蒙上體恤陟岵俞於山中終鍾釜雖無何而衽風
木未嘗不念邑之無志輒喟然曰惜哉侘傺乎安得是缺
之補也茲冲宇馬明府銳意圖輯書成以觀不倭不倭披

理全編又喟然曰美哉裒衷乎抑何廢脩墜舉於一旦也夫氣運之流地脈之靈有萃有散地靈即爲氣運氣運發之地靈而萃散乘之倚自武宗以來歷世宗穆宗今上百有餘年其間循吏齊驅東阿單父者趾相逮也士列賢書燒尾翊贊聖治勵於羔羊業纍纍起其瓌異竒行見之振纓鳴玉出之農氓孺卷阿之標里巷之風童溪丹翠之麗樞粉兔鼠之秀淺闢庸種之業力于白徒之目古先賢祇遺跡隱顯悉屬之澶漫也孰從而蒐之羅之即有叩焉徒心注於募神游於谷非氣運之弗萃地靈之有散乎今吾侯馬公當政成之日拳拳是志其言曰倚之失載也彼

倚氏縣志

舊序

四

且事因循吾亦與之爲事因循彼且卻拮据吾亦與之爲卻拮据則志倚竭至哉剗剗就侯又有言曰吾爲倚四稷自多其爲此之益於地方即移而以予吾瑯琊鄉君子曰此吾之所以爲倚也可無愧所職矣嗟乎是言也固侯之自信實與人信侯之自信者耳然邑之不可無志與國之不可無史埒侯慷慨任事俾倚有志而埒之史斯地靈吐符氣運之萃也易曰萃聚也觀其所聚而天地萬物之情可見是風氣萃而弗散則侯續盛保盛之政不大有造乎倚耶不佞兩叨爲令得竊觀他令之賢其竭慮殫精於治有之至出懸魚之俸以業其官其人鮮也侯始籌所費

或援鄰劍泉省會脩通志例開之謂需之徭金爲適宜侯曰徭出之民而吾需之是以猗志猗不以我志猗也惟錙銖不以猗吾始栩栩志得也嗟乎會稽九直侯豈少遜哉猗之氣運既蹶侯義舉以萃弗散不佞山中雖衽風木當灑練一抃僂焉萬歷癸丑賜同進士出身大理寺左寺左評事邑人王國瑚譔

國家建置郡邑各有人物山川則有野史圖載志書所從來矣吾邑古稱猗頓卽伯肇封咫尺堯天希光舜日分隸晉邦亦仕國也縣志年遠編殘莫可稽考迨丁未夏通省脩志檄郡邑時邑侯盤陰馬公敦請孝廉某諸生某分曹猗氏縣志

舊序

五

授蘭有成帙矣會侯左遷未付剞劂猶然吾邑一欠事比瑯琊馬侯至因詢縣志稱烏有大爲嘆息一日檢前帙移書於予加潤色予念是集久已屬稿固不敢徵他人九仞之功而掠其美亦不敢惜自己一臂之力而不贊其成卽復書以情對侯於是治具延諸公補其脫漏又爲之捐俸資工作凡三閱月報成事而問序於余余方讀禮家居兼久不事筆研念志書紀載詳且盡卽碌碌因人焉用文之已復念邑之有志卽國之有史家之有譜不譜之家無統不史之國何徵故三代以來家有譜國有史俾後之人觀前脩而思兢勸吾猗號通衢稱疲瘠東有宏芝西有樊橋

往來迎送不乏夫馬鞭扑少寬若管支若行戶先期給價不減分毫俟之潔已愛民無愧青天白日凡有血氣誰無

良心獨錢糧一節各衙之催徵如故小民之完納不前此

何以說無乃倉口分則經催潤而一時未能卒辦乎別處按季

邑分抑或坡地多則荒蕪易而大家互相影射乎北坡地

倉口而詭寄而別名而綽收而侵欺而借貸而分派而假領

而扣歷凡此追呼之梗因循不止一朝總之草歷一本爲

樊藪花歷三字滋躲閃淺言之則衆楚易淆深言之則更

僕難悉事則縣事人皆吾人口將語而舌躑筆欲投而指

動無已則本名之下其庶乎夫曰本名趙錢姓氏便於查也

猗氏縣志

舊序

六

曰本名之下地糧數目不難曉也地多糧多地少糧少計

畝均派按日定限誰封誰欠何姓何名捱里順甲一覽昭

然懲一儆百自有鑒裁喚李呼張寧假開報一切里長老

人戶頭店主與夫常行十排等項應存者存應汰者汰省

事節費杜擾息爭催科中當有撫字良規賢父母不爲連

負受累則區區芹曝之忠或亦常絃之一助云萬曆癸丑

邑人喬應甲譔

夫志一史也周禮建史官而志之文出內史外史繇之故

昔天子有國史侯國有外史今我明以一統志篇乎大哉

若省若郡之各有志即古侯國外史之遺至邑之有志尤

根據國史外史錄而成章者也邑無志無以載一同非吏務矣歲庚戌余謁選爲令於格得猗余尚未履猗也念於山右籍未覩猗書或訛之曰是豈文獻不足之國也耶既視事詢所以紀猗者烏有也謂正德間有所輯歲且百故冊多不存頃丁未夏諸臺檄通省郡邑脩志前令盤陰馬君受牒摩研殺青未就盤陰歸中輟焉即盤陰所藁具蓋致上官未留筭一字逮癸丑歲幸於他所見原本一部急購之而復舉剝剔之念益勃勃不可已迺遍謀之薦紳之在里者集孝蕙若而人諸生若而人消所群聚取初纂增減之得十卷鳩工省試日惟孜孜昉於中秋竣以小春兀

猗氏縣志

舊序

七

三閱月而成不佞縱觀之蓋有以歎也夫一排纘也不成之盤陰而成之不佞繫非數也與邠雖河東彈丸自西伯封子代爲名區山水之躔異卉樹之畏佳視隘陋囂塵不埒也士醜於鄉掄於廷接踵比肩鞭弭自倍爲黃鐘爲大呂視箏鳴缶韻不埒也文章之奪芳縟采掀雷扶電入而醉墨出而懷鉛視無根核之言不埒也且不佞待罪垂四禩土俗民情自侈頗習唱于唱喁獨不見之小和之大和乎民之易於治視蠢蠢縵縵又不埒也以是域而氓焉無紀非地負人人負地矣不佞職專是收責將誰護其以慕史失史而不爲史不若著史以有史也思有志而憚不能

志不若做志繕志以獲志之益也竊史之義以構志之文不佞聊希中音得毋逋責乎矧諸子本乎匠心竭才而出之其稽考則恢矣駘蕩之圃也其敷藻則南都石黛之雅也其體制則包竹元林之觀也其函帙則丹水藍田之比也詎忝於史哉天下未始不因志重地因地重人志也史也取重多耳僅僅知形勝知風俗知戶口知賦役之爲云乎是舉也費出稱艱民間大祲無年不佞爲紆彫窶未遑寧濡之別途惟自捐薄俸兩季即鐫鏤不以煩之邑客曰吾子拮据克成其賢於興廢補缺之政矣不佞爽然自失然以余之謏劣得繳惠諸君子俾猗有志倘列外史以佐猗氏縣志

舊序

八

國史令異日無文獻不足之歎則幸矣豈曰能賢萬歷癸丑知猗氏縣事瑯琊馬孔昭譔

志識也史之屬也禹貢周官而下列國各有司存春秋在魯晉乘先之春秋獸以魯著則仲尼之志在耳史以文勝而仲尼舍文取義義以章志志以貞教故前可作而後足述焉猗故文武肇封聖謨彞訓布在方策識大識小存乎其人神而明之安見郇瑕不化爲鄒魯耶正德間邑嘗輯志萬歷壬子續脩之逮今

皇清壬子逾六十載署艾斯土者烏奕後先率視爲蘧廬故紙而不加之意我侯陳公新矧煥發治具畢張尤興廢爲

孳孳將討圖籍以釐正之會部院檄下諸長吏述厥職方以質成 天府而前壬子之志殘缺未易補綴必草創焉侯乃揖鄉士大夫而謀曰燕工函粵工鑄習者良也余不敏初筮文獻之邦風土未諳而研削舊章遠所習矣典型在望幸二三君子明教之諸紳遜謝侯固請諸紳退而擬議以愚僭一日之長遂謬相推輓以復於侯侯從衆授簡焉顧愚顏齒薄殖烏能愉快勝任哉惟時大叅郭君眉公以定省式問太史衛君伯嚴以休沐就舍皆人望也愚亟請於侯曰漢簡非私家之說夏屋必鄧林之材君侯成命僕無所逃綆短汲深願得郭衛二君提挈之侯既軾廬敦猗氏縣志

舊序

九

趣更延校師文學以廣咨諏休哉得人具矣集思旁綜歷寒暨暑事無鉅細決筴壹稟於侯而侯終不以長人自用愚亦得藉諸君之力以告成且因致慨於載筆之難也夫志者將考秉垂鑒也得其人則傳信非其人則遺穢故君子撻觚廩廩不啻臨深履薄誠以一日易欺千秋難恕莠言弗治將墮生平以狗之可不慎歟善乎漢荀悅之言曰立典有五志一曰達道義二曰昭法式三曰通今古四曰著功勳五曰表賢能時論以爲復古春秋記事之體則其志有所不苟焉爾是編也發凡舉例準於史表年首事祖於經按羅廣矣而繁蕪必芟看覈嚴矣而闕漏必補或撫

今以追昔則汗隆互見或隱惡而揚善則觀感相深雖匹夫之假權猶先民之直道布之棗梨庶不淪爲杞宋哉而或疑舊志華而今也樸舊志略而今也詳何文質損益之懸殊乎愚曰志由事集事因時起語云時至則百志成其或繼此者行化裁以會典要則時異而志同愚且虛左埃之矣康熙癸丑辛未進士河南等處提刑按察使司按察使前吏部文選清吏司郎中協理兵部督捕堂事太僕寺少卿邑人王含光課

文中子有言昔之史也辨道今之史也耀文旨哉言也春秋一書爲聖人傳心之要法其言與易象相表裏後之知

荷氏縣志

舊序

十

此義者蓋亦鮮矣記煩志寡遷固已不能無遺譏至陳壽依違魏事魏收規利修郤其是非毀譽更爲蹊盤失古夫以國史之重詔脩之嚴而秉公論豎特識者猶不可多得况凡郡邑之志主脩者或不能重其事分脩者或不知嚴其義徃徃集陽鱗之猥儒恣雌黃之多口其於政教典禮風俗人材之大要則不能詳考其源流盛衰公言其升降得失而所鋪張紀載廼徒在山川臺榭之美詩文之富亦安望其良比董狐直如孫盛有當於古小史外史之意哉吾荷舊志自明萬厯壬子迄今六十年未脩豈曰無人蓋慎之也今邑侯陳公爲治之三月奉

詔脩一統志檄郡縣各以志上達於是銳志脩舉禮延
士大夫設局分纂而公復以簿書之暇親爲考訂凡八閱
月而訖副告畢余不敏藉手邑侯之力日從廉使王公大
叅郭公之後發篋載筆叅校前志凡所遺而未収或収而
失實與所淆而未析或析而無當者槩從釐正至鼎革以
來文物半成地燼故老幸未凋零於是勤肆筆於几牘徧
著紙於溷籬信者必傳疑則闕焉諸若職方有紀以辨庶
輪之數營建有紀以著規制之詳經制有紀以定財用之
式藝文有紀以彰華國之業皆因舊名而增其闕漏刪其
蕪穢已不無異同於其際至於紀典禮以思移風易俗則

猗氏縣志

舊序

十一

做古禮書樂書而爲之者也表官師表選舉以及封蔭異
途俱列榮名則做古年表世表而爲之者也傳名宦傳人
物傳列女而忠孝隱逸之倫又各分附傳後則做古列傳
分合之體而爲之者也而且逸事叢談亦得彙於篇末異
端襍術不以亂夫正經此皆叛之維新裁之以義而不復
襲舊志之例者也而余所尤倦倦者則經制紀中明末加
徵地畝九釐銀至今未蒙請蠲人物傳中孫達王璽劉以
平馮守禮四先生至今未議崇祀二事實闕養教之切務
所日望當事者之力舉也夫載筆而論者治法也作而行
之存乎治人古之言作室者云規材授職主人任也程功

妻能工師責也夫既以授之矣率作興事不愆於素其在所司哉其在所司哉康熙癸丑

賜進士出身巡撫貴州等處地方都察院右副都御史前順天府府尹山東承宣布政使司布政使內翰林院檢討邑人衛既齊譔

邑之有志由來舊矣咸壬子夏魁謁選荷令單車就道將

詣境得覽荷志中多殘缺失次以是慨屢經兵燹之後不

能保其全也粵稽荷志前無所考逮正德間有所輯嗣萬

曆丁未前令盤陰馬右受諸臺牒編摩殺青未就中輟閱

癸丑瑯琊馬君視事後舉搜遺藁而纂集之迄今蓋六十

荷氏縣志

舊序

十二

年天道於此而一周人事於此而一變豈非運數之使然耶雖然時異世殊其間山川土田人民風俗不無滄桑之變宰是邑者即催科罔暇安忍聽其殘缺失次而不爲之所也適壬子孟秋大學士曲沃衛公疏奏各省通誌爲二代文獻至今尚未編脩甚屬缺典其奚以上佐

聖天子右文之治通行天下隨奉諸上臺檄俾各府州縣接

古續今纂輯成書彙爲

太清一統誌恭進

睿覽敢不惴惴奉令惟謹但魁賦姿魁陋學識粗疎欲舉昔之殘缺失次者而全之力有未能然欲舉昔之殘缺失次

而全之之念又勃勃而不容已乃謀諸憲使王公大叅郭公詞林衛公三縉紳先生而不然釐定之志始堅於是蠲薄俸以先之而邑之紳士咸與相助以有成其昔之殘缺失次者庶可獲睹其全至若戶口丁徭地畝賦稅悉遵

本

朝以爲則諸凡科名耆壽忠孝廉節舊無所遺新有所益

要皆折衷於公論而後定茲非敢以私意爲去取也如芟繁就簡稽實敷華三縉紳先生之功也魁何敢襲而居之

紀其事昉於壬子之冬竣於癸丑之秋溯厥馬君纂集之日洵六十年於茲所謂天道之一周人事之一變不於此

而信然乎嗟嗟文獻之斑斑足考者猗之志也今而後可

猗氏縣志

舊序

十三

無殘缺失次之嘆矣然魁誠魁賤者也粗疎者也不過序

其始末而記之又焉用文哉康熙癸丑知猗氏縣事實誌

陳一魁撰

猗氏縣志

崇禎間晉書總華三論輯表主之也

要者皆東於公論而後定茲非敢以私意爲去取也如芟繁就簡稽實敷華三縉紳先生之功也

公詞林衛公三縉紳先生而不然釐定之志始堅於是蠲薄俸以先之而邑之紳士咸與相助以有成其昔之殘缺失次者庶可獲睹其全至若戶口丁徭地畝賦稅悉遵

本朝以爲則諸凡科名耆壽忠孝廉節舊無所遺新有所益要皆折衷於公論而後定茲非敢以私意爲去取也如芟繁就簡稽實敷華三縉紳先生之功也

續修猗志引言

按猗志重修於

國朝康熙十二年歷時未久星野山川如故建置沿革無多古蹟今制前志考訂頗詳即偶缺畧彈丸黑子之地邑乘外無憑搜羅惟是官師選舉人物藝文迭興踵事不可無續紀以俟將來至於賦額之稍有增減學廟之隨時修葺庠碑檢冊徵信乃書唯求耳目之真弗侈鋪張之麗寧蹈不文罔敢失實自康熙十三年甲寅至四十六年丁亥起訖凡三十四年

康熙四十七年歲次戊子

猗氏縣志

引言

勅授文林郎浙江臨安縣知縣致仕己酉解元邑人郭九會

撰



右先君子續邑乘引言也康熙戊子夏平陽太守 劉

公重修郡乘郡之鄉先生六人與焉先君子其一也先

是 劉公檄行屬邑各續新志以資彙考於時猗猶平

陽隸也邑侯崑山葉公謀之邑先達諸公而大叅晉溪

喬先生以其事推讓於先君子先君子諠不獲辭爰自

癸丑至甲寅三十四年之事覈實徵信彙成一冊上之
太守乃郡有成書而邑志則未付梓也越十年郡司馬
濟寧潘公來攝邑篆慨舊志之燬於火毅然謀所以
纂修之得先君子所裒集者遂逐項分麗舊志之後而
以近事附益之公不以愚之蕪陋亦俾與讐校焉書成
將壽之木而公適去官事遂中輟迨雍正甲辰邑父母
文登宋公下車修廢舉墜百務畢興邑志一事屢謀
增輯而勤於初政未逮也越己酉春

詔修一統志 臺使者檄郡邑各上其書公乃理潘公之

遺緒糾集紳士叅互考訂芟其繁蕪正其舛譌而至於

荷氏縣志

引言

二

丁酉以後尤加詳慎秉退食之暇殫奉公之勤秉公持
平博採約取惟恐遺美收類務期去贗存真凡五閱月
而告竣事愚亦幸從諸君子後樂觀厥成故爲詳其顛
末而附記於先君子引言之後以見斯志創始踵事遞
更數手星移紀踰多歷年所需時而成良非易易也郭
爲觀識

纂修縣志姓氏

纂輯

同知平陽府事潘

鉞 清開貢士山東濟寧人

校訂

原任猗氏縣知縣夏御乾 隸豐潤人

重輯

知猗氏縣事宋之樹 鶴千乙未進士山東文登人

編次

何世勳 柱峯辛卯舉人

衛士樞 道輔丙戌進士陵縣知縣

猗氏縣志

姓氏

喬雲閣 圖功癸卯舉人

張彤 賜一戌戌歲貢

令狐言東 二周庚子舉人

衛訥 吉詞運司廩生

郭為觀 叔瞻丙午舉人

陳儻儀 洪瞻甲辰舉人

原編

黃海 吳啓元 三月庚辰

陰 高紹烈 羽皇



凡例

一 猗志大綱節目前賢亦甚精詳但都會郡邑各有體裁或從畧或從詳無所用其新奇此定則也志中諸目只可盡名之爲志不可分之爲列傳爲年表爲世家蓋太史公作史記自五帝至於秦漢乃法孔子作春秋行天子之事邑令雖等古諸侯然畢竟邑焉已耳躡而上之則僭矣敢云乎哉故條列悉從定體而較省郡加詳焉

一 星文乃瓊璣定數下合地理分野建侯封國躔紀攸歸故曰實沈之墟晉人是居此三才之常非一時之猗氏縣志

凡例

變祥異兵氛自應別紀以爲恐懼修省者戒

一 今日猗氏疆域非昔郇瑕之舊矣地當平衍并無山川然總其大勢廣覽遐馭美哉三晉河山猶在也故仍冠以山川而形勝附之

一 祠祀自山川壇壝及有德澤於民者皆臚列焉崇正祀也外此俱載入寺觀不敢附於祠祀以惑民志

一 戶口以康熙五十一年編審田賦以雍正七年歸併開懇爲定則屯丁屯田更名田雜稅鹽政附焉只要總撤相符蓋今日各項名色俱入條編盡歸戶部導

聖王之制無所用其頌瑣矣

一 猗頓本魯人而遷邠國雖務魚鹽之業亦賢者也不然何至邑以人傳故特增入流寓

一 陳適孺荆宏祚張中斗錚錚鐵骨至性至情俱可千古宜入孝義似不必另設遺行一科

一 張汝霖宜入方技其學問淵博亦思邈流也邦有異人邦之光矣何可忽乎

一 茲志雖曰增修實存舊則凡藝文有關名教風化者盡存之若魯魚亥豕則考正之疑則闕焉其人物列女俱照新修府志或綠公舉增入無溢詞無遺行寧嚴毋濫挂一漏萬之謂不敢不任其責矣

猗氏縣志

凡例

二

一 邑志之有藝文非載道之書可比故性理之學先儒各有著述已自載文集申且又與大人長楊三都兩京詞賦不同以其非含英咀華體也一概不入邑志所志者皆一邑之人事或關政教或關風俗或詠山川或條陳地方利弊有裨桑梓其人其事其文足以垂遠則錄之若騷人逸士非留題古蹟憑弔前賢雖聲調高華力追正始而題非我邑之題景非我邑之景例亦不收蓋美不勝收也

荷氏縣志目錄

卷一

圖考

星野

疆域

城池

公署

學校

祠祀

橋梁

卷二

戶口

田賦

風俗

郵傳

郵政

兵防

荷氏縣志

目錄

卷三

職官

循績

卷四

選舉

封廕

卷五

人物

忠烈

附武功

隱逸

方技

耆壽

卷六

列女

流寓

古蹟

碑墓

寺觀

仙釋

新刻
荷氏縣志
目錄
卷一

祥異

雜志

卷七

藝文上

卷八

藝文下

猗氏縣志

目錄

二

楊柳里



黃庄里

陳張里

豈梁河縣界
猗氏縣志

卷之一 圖

縣城圖





猗氏縣志

卷之一 圖

三

縣治圖



猗氏縣志卷之一

星野

聖王御天下首重治歷明時唐虞以璿璣玉衡齊七政所以敬天也天體渾淪健行不息而諸曜列宿如輪旋轉其所經歷未必止于中夏豈流沙以西若木以東南海北海之外遂無所謂躔次乎故凌犯疾遲有驗有不驗君子惟恐懼修省朝夕乾乾而天官之書分野之說皆存而不論可也

春秋傳曰參爲晉星實沈參神也周禮保章氏注曰實沈晉也太史公曰晉之疆候在辰星占于參晉漢志魏猗氏縣志

卷之一

五

地觜觶參之分野也唐志觜觶參伐實沈也初畢十度餘八百四十一秒四之一中參七度終東井十一度自漢之河東及上黨太原盡西河之地古晉魏虞唐耿楊霍冀黎郇其地上應天闕南曲之陰在晉地衆山之陽南曲之陽在秦地衆山之陰陰陽之氣并故與東井通河東永樂芮城河北縣及河曲豐勝夏州皆東井之分參伐爲戎索爲武政當河東盡大夏之墟上黨次居下流與趙魏接爲觜觶之分

又按史記云昴畢冀州觜觶參益州柳七星張三河晉志

因之謂河東入張一度爲鶉火之次其說與前異

論曰陸子淵嘗言分野之說難據謂以天之一度當



沿革

古者建侯封國以親親尊賢報有功尊有德其地犬牙相錯強弱相制凡以屏藩王室也秦置郡縣封建遂廢漢唐以後因革靡常或分或合雖世代之殊亦因時觀勢則然耳如我郇伯固文王之子也而後邑以猗頓名豈黍苗陰雨不及一魯人哉何為相傳至今也然邑俗重農積粟而不貴貨殖則流風豈因名稱為轉移哉

猗氏縣

唐虞夏商

皆為甸服

周

為郇伯國

春秋

屬晉

戰國

屬魏

秦

置猗氏縣

屬河漢之東

三國

屬魏

晉

南北朝

元魏改為猗氏縣

屬汾陰郡

猗氏縣志

卷之一

七

隋屬蒲州自故

唐

屬河中府

五代宋金

仍舊

元

以萬泉併

明

隸平

陽府蒲州

我

皇清因之編戶

舊分五十一里今二十七坊

考猗邑本禹貢冀州之域其在唐虞夏商皆為甸服在

周為郇伯國郇伯文王第十五子也為州伯治諸侯有

功故春秋傳曰畢原酈郇文之昭也詩曰四國有王郇

伯勞之魯僖公二十四年秦伯使公子絳如晉師軍於

郇辛丑狐偃及秦晉之大夫盟于郇春秋之末猗頓大

畜牛羊于郇南唐元和中聞喜裴均以參贊平淮蔡勞

系封郇國公今縣南王寮村故城相傳為古郇云春秋

時又稱郟瑕氏魯文公十二年秦侵晉入瑕十三年子
使詹嘉處瑕以守桃林之塞魯成公六年晉人謀去故
絳諸大夫皆曰必居郟瑕氏之地

杜氏注曰郟氏東北有瑕城是也

迨

秦併六國分天下爲三十六郡遂以猗氏置縣屬河東
郡蓋因猗頓居名也漢屬并州河東郡新莽改屬洮陽
郡東漢光武復洮陽爲河東郡晉分天下爲十九州以
猗氏屬司州河東郡太原王卓以司空封猗氏侯今神
道碑猶存元魏太和十一年改屬秦州析二縣隸河東
郡者爲猗氏隸北鄉郡者爲北猗氏魏恭帝二年改猗
氏爲桑泉縣後周明帝宇文武成元年復改爲猗氏屬
猗氏縣志

卷之一

八

汾陰郡隋開皇三年罷汾陰郡改屬蒲州十六年析猗
氏置桑泉縣大業九年廢縣自古城徙今治唐貞觀初
分天下爲十道以猗氏隸河東道開元九年改蒲州爲
河中府宋至道三年分天下十州軍爲十五路以猗氏屬
陝西路金屬河東南路元至元三年併萬泉入猗氏縣
十六年復仍分立明洪武元年都督康茂才帥兵至縣
尹張恕率衆歸附二年罷河中府改屬平陽府
本朝因之後改隸蒲州府

論曰禹貢止列九州而虞書則言肇十有二州大小分
合之故自三代以前已莫之定而何論于更置郡國之

後哉吾猗自郇伯啟國晉有猗氏侯唐有郇國公藩封之建置重已隋析猗氏置桑泉元併萬泉入猗氏幅員之廣狹抑又殊焉元魏以河東屬秦州宋以河東屬陝西路析晉入秦視古制似爲大異然嘗以十道表九域志考之河東郡蒲州屬也平陽郡晉州屬也二郡分立舊不相攝故唐宋金元皆以蒲州爲河中府自明罷河中俱隸平陽天啟間屢議分置卒不果行夫制邑居民則壤成賦必絜廣狹多寡之數而較若畫一稱至善也

國初天下府之大者多轄數州數十縣

如真定西安開封平陽濟南成都等

而府之小者每至無州可轄甚至無縣可轄

如漢陽興化止二縣

猗氏縣志

卷之一

九

思州開化

等爲獨府今則哀多益寡割遠就近分合得宜控制亦

易誠疆理天下之良規也歟

郇伯遺封畧載水經之注猗傾故蹟猶存貨殖之書始則地以人傳繼且名隨代異雖山川封表如故而疆域分合不常觀茲沿革之詳頗覺今昔之異

沿革續

國朝隸平陽府蒲州雍正二年以蒲州直隸山西布政使司六年再陞爲蒲州府以猗氏及永濟滎河臨晉萬泉等五縣屬焉

猗氏縣志卷之一

疆域

古帝王建極御世拓土開疆仰應星躔俯察地理誠以
肇鴻基而樹屏藩也猗氏爲唐虞甸服周封郇伯于茲
爲侯國其後徙爲郡邑屢更遞變無異滄桑然川原形
勢疆域延袤尚可溯而考也采下里之風謠尋桑泉之
舊蹟可以觀勝概矣

考縣疆域東至安邑縣張岳村界一十八里南至解州
小侯村界三十五里西至臨晉縣任尚村界二十二里
北至萬泉縣小桃村界三十五里廣四十里袤七十里
自縣治西南至蒲州一百一十五里北至平陽三百二
十里至省城九百四十里至京二千里

山川

猗氏縣志

卷之一

十

峩眉坡 在縣北門外東連聞喜西入蒲坂綿亘蛇
蜒至縣北支龍如掌踴躍南行遂結縣治
千佛嶺 在縣南八里相傳古浮屠基故名脉自開喜香
山來至縣西香落村止凍水西流過源頭村將
南逆嶺隆起逼捍
之蓋縣治內寨也

鳴條岡 在縣南二十里自安邑來軀幹委蛇分條布葉
繚繞縣南蓋縣治外羅也東望薜蒼舜陵在焉

凍水河 在縣南六里源出絳縣絳水始自乾澗伏流盤
束地中復出西流經聞喜經本縣南境合挑遷

渠入五姓湖宏治十六年御史曾大有因害鹽疏請浚
河八十里本府同知許莊督工引稍北由孟盟入河

澤泉 在縣南門外故堰豬浸泉成澤四時不
涸水大至澗潭壅塞泉遂涸

文波泉

在縣東北仁壽寺右一泓澄澈自城東遠縣南入凍水時溢縣多科第故名嘉靖乙卯地震北

闕文未濟舊名文運泉

雙壁泉

在縣西北五里靈巖寺後明萬曆十八年二泉湧出

子進

黑龍潭

在縣西南二十里廣半畝深文許居民遇旱禱雨輒應潭左有泉父湮邑紳王舍光濬之引開

水田若千畝今復涸

形勝

北枕崑原南憑涑水田廬錯繡桑柘鋪荼境內無名山大川而遠岫重谿俱歸襟帶誠墟莊之衝要四塞之奧區也

猗氏縣志

卷之一

十一

論曰倚居河山之心腹當秦蜀之咽喉南曰解梁北曰萬泉東曰安邑西曰臨晉倚介其中在前代實兼有四邑之地其見于傳者晉公子重耳反國濟河圍令狐入桑泉令狐在今縣西十里桑泉之析置則自隋開皇十六年始也又春秋杜氏注郇瑕之地沃饒而近鹽郇在解西北監今猗氏縣鹽池也魏都賦注曰鹽池在猗氏縣四十六里柳子厚曰猗氏之鹽晉寶之大也唐書地理志注猗氏爲次畿地有孤山然則令狐桑泉皆倚地也鹽池孤山故倚屬也中條南峙景山北聳涑水左紆黃河右繞凡四邑所有名勝

皆邑之居中而肆收焉者也元王思誠詩云條山河
水壯封疆城外崮原百里長蒲坂東通倚頓宅桑泉
南下接虞鄉蓋亦統諸邑而論之也自後分域辨方
各據所有而邑乃塊處彈丸若逃稽典籍咨度重輕
則倚之形勢詎可以幅幘限哉

十景

崮崮崮崮

在城北青坪如級城中歷歷可指
開雲推月出作入息唐風之遺也

涑水春漲

在城南八里東山雨集波濤洶湧氾焉
出沒酷類江湖沿河阡陌多資灌漑焉

古壘秋風

在城內唐馬控武苑如聞萬馬奔騰
蒼宮森蔚涼颼秋光

龍巖夜月

在城東龍巖寺東廊後巖巒飛軒當餘稷之
豁望夕月湧素魄先投崮崮第一勝槩也

倚氏縣志

卷之一

十二

雙塔斜影

在城內妙道寺一在寺內一在寺外摩天礙
日矗矗對峙夕陽返射直影斜連有幾峰相

敵之勢

對澤晚牧

在城南門外滄浪凝碧綠縹展茵遂短
歌長時與水禽相訓答不知日之夕矣今廢

東原早行

邑無驛站旅人多次東關客舍鷄聲
河橋柳色陽關疊唱背指渭城矣

孤峯晴雪

孤山山海經名景山在萬泉縣其南麓與倚
接壤積雪乍晴旭光照耀如玉障橫空最宜

眺遠

長堤柳浪

在城西南二十里邑侯高公向極所築也綿
亘十餘里以遏涑水南潰平苔高柳與清波

相掩映而近壘天桃棹擷鱗
接春朝流曠興當不減濠梁

南澗荷香

距柳堤數武涑河故道也北有黑龍潭潭丘
有泉涓涓南流可十里餘荷稻相間小構丘

亭堪爲諸
景之冠今廢

猗氏縣志卷之一

城池坊鄉市鎮附

昔先王設險以備不虞因築城鑿池以衛民而禦暴蓋先患預防亦陰雨綢繆之意也猗邑平衍無邱陵可憑升陴濟隍更所宜急其坊鄉市鎮溝洫道涂並胥以時加意焉防外患于未然念前勞之非易在斯邑者尚其重之哉

縣城周九里十三步高門樓四處敵臺一十座角樓四座警舖

六十八處塚口共一千九百三十個池濠深二丈濶三丈內穿城道濶六尺有餘

考猗邑憑峭麓為土城唐興元元年節度使馬燧所築

猗氏縣志

卷之一

十三

時李懷光叛據河東燧破之以猗居雍洛之間當三晉之衝因留屯築壘焉今相傳城內東北隅古縣疑郎其地也形家言邑城取龜形為勝槩頭在東北宜設二圍城為龜眼如建倉司于古縣則居民大有利云城門四舊名東曰崇仁西曰尚義南曰招薰北曰拱極明隆慶二年知縣江濶始修磚堞改門名東曰朝京西曰通秦南曰迎薰北仍曰拱極萬曆十四年知縣陳經濟剏起門樓四座堦之十八年知縣黃道見疏浚城濠築圍牆植樹木二十四年知縣郭九有增植樹木更茂舊四門缺月城崇五年邑紳荆可棟倡縣民增築之東曰迎

涑西曰帶河南曰賓旭北曰蟠蛾更于異地建文昌閣
樓城下設鐵倒門外置圍欄築重城知縣李昌齡爲之
記

國朝康熙二年知縣楊乾晉重修角樓并城東西門樓加
以扁額東曰神州右臂西曰秦蜀咽喉

鎮堡

杜村鎮城

在縣南土堡周三百六十步高一丈五尺

下任鎮城

在縣西土堡周三百八十步高一丈五尺

張岳鎮城

在縣東土堡俱明嘉靖二十二年縣丞王誠修

論曰城所以盛民也謹啟閉譏出入蓋無事而爲有

猗氏縣志

卷之一

十四

事之防者貴乎豫也猗當明季屢歲兵荒城郭蕩然
其舊時各鎮亦空存故址耳我

朝加意撫綏生聚日久其城鄉村堡星列碁布漸復舊觀
猶望守是土者以時修葺捍患未然庶足以衛民生
而計久遠也

以爲縣東曰縣北曰晉西曰秦蜀咽喉

國朝康熙二年知縣楊乾晉重修角樓并城東西門樓加

記

涑西曰帶河南曰賓旭北曰蟠蛾更于異地建文昌閣

樓城下設鐵倒門外置圍欄築重城知縣李昌齡爲之

倚氏縣志卷之一

坊巷里都

後市前朝奠居因平王制遵賢表節殊榮荷自天家畫井分疆既羣居而比處進修勸學逐易俗而移風丕哉一道之休詎曰十室之邑

邑城內有四坊外有九都明初編戶五十一里正德七年併為五十里嘉靖三十四年併為四十五里萬曆四十四年併為四十里

國朝順治十五年併為二十三里

興教坊城內西北地以儒學在焉故名巷二

倚氏縣志

卷之一

十五

莊武坊巷自街口至北門城隍廟巷自坊牌至廟後達北門

崇道坊城內東南地以清觀在焉故名巷二

天王樓南巷自街口至南門水撞巷自街口至太清觀達南門

三相坊城內西南地唐張三相舊居故名巷三

鐘樓巷在布政司前坊門南巷自街口南至城舊有水窓今湮塞水路猶存明萬曆

間文苑榮戰二坊併為一後燬

貴戚坊城內東北地唐貴戚曾居焉故名巷二

儒林巷自街口至射圃天王樓巷自樓前至古縣南岳廟巷自街口至廟後

翟村都城外西鄉轄里二

翟村里轄翟村里寺村許家塢大陳里轄南大陳西兼轄王村楊妃村

陳連庄衛村下陳利百
支村東陳程西陳翟

下任都西城外鄉轄里二

下任里轄下任鎮和店村○原頭里轄東原頭周家

兼轄下趙村西和村○東水南西水南屈家庄荆楊村令狐村上趙村何家
庄陳范村張廣村○兼轄王村下趙村百里店村

初王都南城外鄉轄里三

初王里轄初任村王景村北智光任柳里轄東初村

兼轄西初村南楊鹽前里轄慈楊官庄南

大姚都南城外鄉轄里三

大姚里轄大范村姚村杜村里轄杜村鎮沿村南家

楊鹽中里轄上庄下

猗氏縣志

卷之一

十六

楊姚都南城外鄉轄里二

楊姚里轄南楊姚北楊姚東里寺狄百俊里轄百俊

村孫里村
太侯村

喬申都東城外鄉轄里二

喬申里轄西喬楊申村東朝村李漢村東三里西三

楊妃村景郭里轄景滑田村郭村楚

兩楊都東城外鄉轄里二

兩楊里轄大楊村小楊村上里景村孫家庄西岳里

轄高家梁新庄張岳南岳

楊尉都北城外鄉轄里三

楊尉里 轄楊庄尉庄景庄 齊村里 轄齊村景村羅村

張滑家里 轄南景村西里東里呂

西村都 城外西轄里四

西村里 轄張白村雙 陳張里 轄陳庄張庄李家庄南

陳家庄里 轄陳家庄北王庄 賈庄里 轄賈庄高家

屯田坐落 王寮前屯 東里寺屯 黃闢景屯 王寮後屯 和村屯 四大夫屯

羅村屯 丁家屯 北景村屯 齊村屯 窪上屯 景庄屯 張村屯 三里屯

按舊志城內大街東曰和順西曰豐樂南曰顯明北曰靜寧其時閭閻鱗錯致貨聚財足稱物力之盛自明季亂後東南北三街居民寥落屢肆俱廢而各鄉

猗氏縣志 卷之一 十七

里都人多逋亡田半荒蕪我

國家休養生息八十餘年加以蠲租賜復 恩膏叠沛生

齒既蕃田疇悉闢民氣和樂安土重遷每遇歲時會

集肩摩轂擊雖物產初無奇貨可居而羔狝犢特未

耜粟布克盈闡闡足資民用非深仁厚澤重熙累洽

何以有此然則勞來安集養欲給求非良司牧之責

而誰之責哉

市集附

莊武王廟會 八月十日 城隍廟會 十月五日 關王廟會 八月十二日

東關集 每月十日

高頭里會正月二日杜村鎮集每月三日下任鎮集每月二日

坊表附

步蟾為舉人鐘鑄立折桂為舉人王相為舉人登瀛為舉人舉

子何清立英才為舉人冠英為舉人重輝為舉人飛騰

為舉人俊英為舉人濟美為舉人登雲為舉人蜚英為

衛聰立世科為舉人攀龍為舉人聯芳為舉人進士為進

人宋紫誥重褒為勅封員丹桂秋香為舉人折桂為奉議

立褒封為勅封文林丹鳳朝陽為舉人鵬搏為舉人進

士為進士彤廷賜第為進士宋進士為進士何天寵馳

封為同知何文星拱極為舉人李天府登名為舉人甲

猗氏縣志

卷之一

十八

科錫第為進士省殿掄魁為進士何父子經魁為何尚

序父子同科為舉人令狐一槐立為都御史大中丞為都御史

恩為勅封鎮撫三秦為都御史紫誥重褒為進士鳳閣承

世魁三晉為進士何東序立為進士何鳳立為進士三世參知

為諾贈政荆琨珉為進士何尚德為進士何東序立為進士

荆來貢陝西參政荆州俊立為進士九重錫命為進士珍為進士

劉以觀光為進士肅儀為進士大司寇第為進士以上經明季

理學世家為進士子兄弟為進士皇恩旌節為進士旌表

為孝子旌表為進士貞節為進士以上經明季

天朝旌節為進士節壽雙全為進士父子鄉賢為進士

亂多燬

尊喬繼宗封御史喬梓立天朝總憲為右都御史奕世承恩為訓導

封御史喬梓立天朝旌節為裴鯤妻天朝旌節為雷汝茂

旌節為雷汝茂妻原氏立天朝旌節為郭邦畿妻裴氏立一為郭琛妻荆氏立一為郭冲奎妻王氏立一為景發選妻李氏立

論曰棹楔所以表徽也邑當全盛時列坊樹旌光暎

里閭其足厲風化聳觀瞻者何衆也明季寇亂在城

者十無二三而鄉村僻壤存者亦皆圯敝然鳴珂通

德奕世馨傳碎錦烏衣後人憑弔是凡名門勝蹟百

世下猶深人懷慕况乎忠孝節義之風更有不與兵

火同盡者乎備錄之以志舊也

猗氏縣志卷之一

公署

君子嚮明而治則有公署蒞斯位者政令于是乎行教化于是乎興可不慎歟顧苟簡者往往以傳舍視之其侈宏麗者又雕楹刻桷日事興作二者交失之矣邑公署初建于元大德間歷代修葺並未過侈吾願繼其後者敝則理之否則安之勿蹈二者之轍惟尊五美之訓則攸躋攸寧永善其後矣

縣治在城內西偏元大德戊戌縣尹閻壁建基址二十八畝三分明洪武二年重建宏治十一年知縣徐誼更猗氏縣志 卷之一 二十
新其制嘉靖乙卯地震諸官舍俱傾頽知縣韓應春重修

修

大堂

五間舊扁曰忠愛堂知縣于時榮更題曰如保堂

堂東三間

按舊制當為贊政廳一曰

幕廳明萬厯間名為武庫今為倉房

堂內耳房

新增東二間移置承發司西二間移置武庫

兩廊吏曹房

東七間為吏戶禮房舊置承發司附于東今移堂內耳房西七間為兵刑工房

舊制舖長司附于西今移東廊房

甬道前班房

東西各一間為皂隸房

在甬道前知縣陳經濟重建上勒戒

儀門

三間東西各一間

問土地祠

儀門外北房三間東西房各五間舊在儀門內東南今在土地

祠寅賓館

儀門外儀門前兩廊房舊制為收稅所大

門三間上 旌善亭

大門外東三間今廢亭為閨王廟 申明亭 大門外

廢榜房在大門前縣門坊東曰守土又東曰文武蕃封
在西南內
房九間

二堂三間堂東三間按舊制當為架閣庫今磚樓在東上
為料倉二間厨舍一間石樓屬庫樓

堂西耳房新增一間宇接官庫兩廊房東三間為書東房
後堂後知縣

知縣宅在二堂後重修錢甫生

縣丞宅在大堂東

主簿宅在大堂西北天啟中缺裁

典史宅在大堂西主簿宅前

吏廨二所一在縣丞宅東南一在主簿宅西南

行臺

濟氏縣志 卷之一 二十五

察院司在縣治東基址四畝五分舊為河東道明宏治

十一年知縣徐誼改建

大堂三間兩廊班房各三抄案房東西各一間儀門三間東

大門三間察院坊左曰激揚右曰整肅後堂五間東西房各三

退堂三間東西房各三厨舍二間今俱廢

布政司在縣治南基址一畝五分明宣德十年知縣張

嵩建

大堂三間兩廊房各一抄案房各一儀門一間東西角

大門三間退堂三間東西房各一厨房一間今俱廢

按察司在縣治西東向基址一畝三分舊為府館

樂四年知縣郭慶改建

大堂三間廂房南北各一間儀門一間左右各一間大門三間退堂

間南北房各一間厨房一間今俱廢

屬解

稅課局在縣治東大街北明萬厯間廢

陰陽學在縣治東北明萬厯間廢

醫學在縣治東明萬厯間廢

僧會司在妙道寺

道會司在太清觀已上今俱廢

東公所

猗氏縣志

卷之一

三十一

凍河橋公館一所今廢

東門外公館一所明崇禎十年知縣李昌齡修

正廳三間兩廊房東西各一間大門三間後堂三間今廢

鐘樓在縣治南明萬厯五年縣丞張順治建二十九年知縣郭九有重砌之有碑

論曰書云若考作室既底法厥子乃弗肯堂矧肯構

有司承平積翫百度廢弛且有併已成之堂構而任

其敝壞不治者何言底法哉夫上棟下宇身之所庇

也政教之所從出也而憚于修葺日就傾圮溼之又

久工費滋鉅必至勞民力糜民財此弗酒弗掃晉昭

所以貽譏不陂不梁單子所以致嘆也

國家景運日隆修廢舉墜尚望良司牧奮然行之俾入其
邑者觀其廉隅而知政事之修飾焉可耳

猗氏縣志

卷之一

二十三

母音曠其廉隅而快姪事之修飾焉可耳
國家景運日隆修廢舉墜尚望良司牧奮然行之俾入其

猗氏縣志卷之一

學校

嘗聞安上全下莫善于禮移風易俗莫善于樂而要以學校為先學校者禮樂之所歸也故人生七歲出就外傳黨有庠術有序至十五而入大學教之育之以觀其成蓋先王造就人材若斯之重也我

皇上崇儒重道于學校師儒大慎其選則凡膺斯職者尚其于多士加之意哉

文廟

大成殿

五間東西廡各十五間內東廡南二間為神厨庫西廡南二間為祭酒庫今又以東廡

猗氏縣志

卷之一

二十五

北二間為經籍庫

戟門

三間在戟齋前在泮池東三間舊為

神厨

在泮池西三間今櫺星門三間東西大門東曰義

禮

改為忠義孝弟祠

門琉璃照壁

舊在櫺星門前明天啟中邑紳喬應甲拓地基增泮池于門外移照壁于外泮

南廟門坊

東曰德配天地西曰道冠古今

崇聖祠

在文廟東北三間萬曆二十年知縣李景登更宏其規三十三年署教諭胡如穎立樓門

名宦祠

在文廟戟門外左三間

鄉賢祠

在戟門外右三間舊以神厨所為之後改建

祭器庫

在西廡北舊籩二百四十豆二百一十五爵一百二十四簋一十五簋一十四爵七十六俱錫器大

香爐一大燭臺一供絨器今俱損失順治十五年邑紳新置

籩豆二百銅爵十三箇

制書庫

舊制當在尊經閣已無閣以東廡北為制書庫內藏四書大全五經大全性理大全儀禮集注周易會通資治通鑑朱子綱目通鑑紀事本末朱子語類近思錄藝文類聚小學太極圖說真西山讀書記五倫書禮書諸禮集要

明御製大誥今出散失

儒學

倚係大縣額廩二十名

明倫堂

在文廟後五間兩齋東曰崇德齋五間西曰廣業齋五間舊制東曰頤養西曰井養各二

敬一亭

在堂後三間明嘉靖中知縣李景登起臺重修

教諭宅

在堂後三間明嘉靖中西北

訓導宅

在東齋後改建尊經閣一在西齋後

魁文閣

在廟坊東門衢四達樓閣巍峩邑紳何東亭題額東曰唐虞奠域西曰文武藩屏南曰郁雲倚

倚氏縣志

卷之一

二十五

漢北曰喟宇鍾祥

尊經閣

在東學道北康熙二十三年進士王含直創建有記

儒林坊

在閣南街口榜曰文運宏開

射圃

舊在學西明嘉靖三十三年巡按御史宋儀望移文知縣韓應春署教諭王三益改建學東北拓基

七畝五分中為講堂五間西廊左右齋各三間後為退齋三間號舍二十八間庫三間廡三間儀門三間

乙卯地震圯頽無存天啟中舉人耿始然改建知縣賈公生祠以其餘地為郭伯廟

順治十八年知縣楊乾晉持毀生祠仍存射圃舊址

學田

在城西五里翟村計地八畝今廢俱入民田起科

養廉倉

明萬曆三十年巡按御史趙文炳發本銀四十兩學史瑩省祭靴掌出入每年子銀加二本學

生員有貧窮給喪不能成禮者用子銀給賑母銀長存今廢

社學一在東門內崇道坊街南一在北門內興教坊街西明宏治十三年知縣徐誼建今俱廢

書院在東門外今俱圮

考學宮在縣治東基址一十五畝五分金成安二年建

明洪武三年重修嘉靖三十三年巡鹽御史宋儀望移

文知縣韓應春增修三十四年地震頽圯三十五年韓

應春重修經筵官韓邦奇撰記萬曆九年知縣賈一鶚

鳩士民重修改學道于右二十年知縣李景登復改學

道于左構得民居闢明堂五丈餘并建魁文閣邑紳何

東序爲之記天啟三年邑紳喬應甲更構民居拓地基

增修外池學道左右二門俱開順治十五年生員荆

倚氏縣志

卷之一

二十六

可樾以捐貲修學入成均補苴未久門廡敝漏康熙九

年署縣事聞喜縣丞董國政署教諭竇復伸倡闔學重

修泮池康熙十二年重修大成殿十九年舉人王巖

楨重修兩廡魁文閣名宦祠有記二十三年進士王舍

直創建尊經閣有記三十二年重修啟聖公祠有記四

十年重修祭器四十二年重修戟門泮池有記五十二

年重修兩廡名宦鄉賢兩祠

雍正六年知縣宋之樹倡衆重修魁文閣道德儒林三坊外泮池有記

論曰三代以來不興井田封建俱廢者惟學耳明初

尤重學校郡縣師儒必極一時之選而且爲之置學

田以養士頒書籍以教士祭器以習禮射圃以觀行

社學以廣教童蒙鄉飲以崇尚禮讓法綦脩矣而一時公卿大夫亦皆重道崇儒雅意作人于是遍立書院廣置倉廩所以佐天子之德教成菁莪棫樸之化者無不詳且至焉迨後日久廢弛文廟徒以棲神主學宮徒以居學博教諭之實不聞齋舍之名虛設甚至祭器失守書籍散逸隱占官地私建淫祠并其餼羊而去之者吁可悲也我

朝隆重學校愼簡師儒凡為司鐸者勿傳舍其官可矣

教始於一鄉化及乎天下考辟廱之鐘鼓禮重瞽宗聆下邑之絃歌情欣泮水蒸我髦士庶為邦家之光遐不猗氏縣志 卷之一 二十七

作人可觀菁莪之化

續

崇聖祠

雍正元年追封先師五代皆為王爵
父為肇聖王 祈父為裕聖王 防叔為詒聖王
伯夏為昌聖王 啟聖公為啟聖王

忠義孝弟祠

在學宮戟門外舊有西房三間雍正五年知縣宋之樹改建有題名碑記

節孝祠

在東門外正房三門牌坊一座雍正五年知縣宋之樹捐建

義學

在城內

猗氏縣志卷之一

典禮

聖王之制禮也朝覲會同有其時郊廟禋祀殊其等冠婚喪祭別其分燕饗俎豆備其物釋奠臨雍治兵振旅飲射讀法將之以忠信誠慤文之以揖讓周旋節之以登降疾徐嚴而泰和而節豈故爲委曲繁重以煩苦天下人哉所以辨上下定民志也故曰安上治民莫善於禮移風易俗莫善於樂

文廟祀典

先師廟號漢平帝稱宣尼公北魏孝文帝稱文聖宣父後

猗氏縣志

卷之一

二十八

周宣帝封鄒國公隋文帝稱宣師尼父唐元宗謚文宣王宋真宗謚元聖又改至聖元武宗號大成至聖文宣王明嘉靖九年更號曰至聖先師孔子繪像始自漢靈帝光和元年畫先聖及七十二弟子像唐元宗開元八年特爲魯參塑像坐于十哲之次圖七十弟子及二十二賢于廟壁出王者衮冕服衣孔子宋大中祥符間加冕九旒服九章桓圭一令以玉易木崇寧四年加冕十二旒服九章金衣定十四年用冕十二旒加服十二章纁旒九就明洪武十五年命宋訥撰敕撤南京大學及天下郡縣學像成祖八年視北京國學因元時塑像猶存不忍遽毀而齋宣長山

諸邑章服不古有詔改正天順中蘇州知府林鶚始因泥像剝落易以木主至嘉靖釐正通行而北雍古像盡撤矣從祀先儒自洪武四年黜楊雄進董仲舒正統二年以宋胡安國蔡沈真德秀從祀八年以元吳澄從祀宏治九年以宋楊時從祀嘉靖釐正祀典罷祀公伯寮秦冉顏何荀况戴聖劉向賈逵馬融何休王肅王弼杜預吳澄十三人改祀林放蘧瑗鄭衆盧植鄭元服虔范甯七人于其鄉增入后蒼王通歐陽修胡瑗陸九淵從祀隆慶五年進薛瑄萬曆十二年進王守仁陳獻章胡居仁三十九年增宋羅從彥李侗從祀今康熙五十二年進朱熹位于十哲次五

猗氏縣志

卷之一

二十九

十四年以宋范仲淹從祀

先師廟祀明洪武初定樂章舞六佾命製大成樂器頒行天下府州縣學樂用登歌朔望令郡縣以下詣學行禮嘉靖釐正祀典春秋仲月上丁以正官爲獻官縣佐教官爲分獻官崇禎十年知縣李昌齡實始教肄禮樂焉

樂章

大哉孔子聖道尊崇維持王化斯民是宗典祀有常

精純並隆神其來格於昭聖容

迎神

自生民來誰底其盛惟師神明度越前聖棗帛具成

禮容斯稱黍稷非馨維神之聽莫帛

大哉聖師實天生德作樂以崇時祀無斃清酤維馨
嘉牲孔碩薦修神明庶幾昭格 初獻

百王宗師生民物軌瞻之洋洋神其寧止酌彼金罍
維清且旨登獻維三於嘻成禮 亞獻終獻同

犧象在前俎豆在列以享以薦既芬既潔禮成樂備
人和神悅祭則受福率遵無越 徹饌

有嚴學宮四方來宗恪共祀事威儀雍雍敬茲維馨
神馭還復明禋斯畢咸膺百福送神莫瘞同

樂曲

樂咸和 迎神徹饌送神 寧和 奠帛初獻 安和 亞獻 景和 三獻

猗氏縣志

卷之一

三十

樂器

樂塵一 祝一 敵一 琴六 瑟二

篪六 笙六 鳳簫二 橫笛六 引節二

鐘十六 磬十六 塤二 篪二 搏拊二

應鼓一 翟籥合四十八 舞生三十六人 歌生六人

樂生三十六人

陳設

至聖位前祭用帛一羊一豕一爵三登一鉶二 中登為太羹賁肉汁

不用盞醬兩傍銅為簋二 一盛黍 簋二 一盛稷 籩二 一盛稻 豆八 一鹿脯二茨三栗

和羹以猪腰羊膂造 一菱二榛三棗四形 菹五韭 豆八 一鹿脯二茨三栗 菹六菁菹七片菹八菲菹

鹿醢七兔醢八魚醢○會典載九
祭丁品物非其土產者以所產代

四配前祭爲四壇各帛一爵三登八釂二簋一盃一籩

六豆六共用羊二猪二

十哲前祭東西二壇各帛一羊一豕一爵五釂一盃一

籩一籩四豆四

兩廡祭各十二壇每壇爵四盃一盃一籩四豆四共用

帛一豕一羊一

祭儀

祭前一日執事者設香案牲房外獻官常服詣省牲

所省牲宰牲盛毛血少許于盤是日觀樂習儀齋宿

猗氏縣志

卷之一

三十一

及期質明鼓三嚴樂舞生就位執事者各司其事陪

祭官分獻官獻官以次就位瘞毛血舞生執羽籥迎

神麾生舉麾擊祝樂奏咸和之曲奏畢贊拜樂盡麾

生偃麾櫟敵樂止奠帛行初獻禮詣盥洗所盥畢詣

兩酒罇所司罇酌酒詣至聖前麾生舉麾擊祝樂奏寧

和之曲跪奠帛獻爵俯伏平身詣讀祝位麾生偃麾

樂暫止衆官跪讀祝文曰維某年歲次某甲子某月

朔某日某甲子某衙門官某等敢昭告于至聖先師

四孔子曰惟師德配天地道冠古今刪定六經垂憲萬

世茲惟仲春秋謹以牲帛醴齊粢盛庶品式陳明薦以

復聖顏子宗聖魯子述聖子思子亞聖孟子配尚享
讀畢俯伏興平身麾生舉麾樂生接舞奏先未終之
樂詣四配前跪奠帛獻爵畢俯伏興平身行分獻禮
各獻官詣盥洗所盥畢詣酒罇所酌酒詣東西哲詣
東西廡神位前俱跪奠帛獻爵畢俱俯伏興平身復
位樂盡麾生偃麾櫟故樂止行亞獻禮麾生舉麾擊
祝樂奏安和之曲禮同初獻畢麾生偃麾櫟故樂止
行終獻禮麾生舉麾擊祝樂奏景和之曲禮同亞獻
畢麾生偃麾櫟故樂止跪飲福受胙畢俯伏興平身
復位拜興平身各官拜訖徹饌麾生舉麾擊祝樂奏
猗氏縣志

卷之一

三十一

咸和之曲執事稍動籩豆司節引舞生序立樂盡麾
生偃麾櫟故樂止送神麾生舉麾擊祝樂奏咸和之
曲拜興平身各官拜訖樂盡麾生偃麾櫟故樂止讀
祝者執祝進帛者捧帛各詣瘞所望瘞麾生舉麾擊
祝樂奏咸和之曲捧祝帛者詣望瘞位獻官分獻官
陪祭官至瘞所祝一帛一段數至九段焚訖樂盡麾
生偃麾櫟故樂止禮畢

崇聖祠祀先師則前期從事陳設祭品同至聖前惟不設
太羹一登各配陳設同十哲從祀陳設同兩廡祀文
維某年月日某官某等致祭于啟聖公孔氏之神曰

惟公誕生至聖爲萬世王者師功德顯著茲因仲秋
告祀以先賢顏氏先賢魯氏先賢孔氏先賢孟孫氏
配尚嚮

名宦祠祀用豕一帛一爵三雜以果品祝文於惟羣公
淑氣攸鍾昔宦茲土政澤流通籩豆靜嘉時祭之供
民具爾思其曷有窮

鄉賢祠祀用豕一帛一爵三襍以果品祝文於惟羣賢
輝映後先文章德業奕世相傳籩豆承事時供于前
高山景行終不可諠

壇壝祀典

猗氏縣志

卷之一

三十三

社稷壇明初異壇同壝祀社以后土勾龍氏配祀稷以后
稷氏配埋石至于壇之正中更爲木主藏焉祭則設于壇
上後罷勾龍后稷配享

祭歲春秋仲月上戊日致祭凡祭用羊二豕二帛二爵三
登一鉶二籩四豆四簋二簋二樂用鼓吹

儀前期送祭品省牲齋宿至期陪祭官先就位贊引獻官
就位迎神奠帛初獻讀祝亞獻終獻飲福受胙徹饌送
神望瘞禮畢

風雲雷雨山川壇明洪武初命禮官考定風雲雷雨諸天
神合爲一壇天下山川城隍諸地祇合爲一壇春秋專祀

祭歲春秋仲月上巳日致祭凡祭用帛七羊三豕三爵三

登一劔二邊四豆四簋二簋二樂用鼓吹

祭同社稷壇唯望燎異山川壇為望燎有燎所

邑厲壇明初定禮命祭無祀鬼神欽降祭文立石于壇南

祭文某官尊承禮部劄付為祭祀本縣闔境無祀鬼神

該欽奉 皇帝聖旨普天之下后土之上無不有人無

不有鬼神人鬼之道幽明雖殊其理則一故天下之廣

州縣以各長之各府州縣又于每一百戶內設一里長

以率頌之上下之職紀綱不紊此治人之法如此天子

祭天地神祇及天下山川王國各府州縣祭境內山川

及祀典神祇庶民祭其祖先及里社土穀之中無祀之

禮各有等第此事神之道如此尚念冥冥之中無祀之

神昔為生民未知何故而歿其間有遭兵刃而橫傷者

有死于水火盜賊者有被人取財而逼死者有被天災

奪妻妾而死者有遭刑禍而負屈死者有流刑而行而

疫死者有為猛獸毒蟲所害者有為饑饉凍死有因

戰鬪而殞身者有因危急而自縊者有因墻屋傾頽而

壓死者有死後無子孫者此等鬼魂或終于前代或毀

于近世或兵戈擾攘流離于他鄉或人煙斷絕久缺其

祭祀姓名泯沒于一時祀典無聞而不載此等孤魂死

猗氏縣志

卷之一

三志

順父母和睦親族畏懼官用遵守禮法不作非爲良善
正直之人神必達之城隍陰我等閭縣官吏人等如有
事順序父母妻良善貪財作弊蠹政害民者靈必無私
一體昭報如此則鬼神有鑒

祭之明官府非誦諛之祭
禮官奏按祭法王祭泰厲諸侯祭公厲大夫祭族厲又
士喪禮疾病禱于厲鄭氏謂漢時民家皆秋祠厲則此
事又達于民也春秋傳曰鬼有所歸乃不爲厲然則鬼
乏祭享而無所歸則必爲害古者七祀于前代帝王諸
侯卿大夫之無後皆致其祭豈無所爲而然哉後世以
爲涉于淫誦非禮之正遂不舉行而此等無依之鬼乃
或依附土木爲民禍福以邀享祀者蓋無足怪今欲舉
其祀宜于京都王國各府州縣及里社皆祭祀之而天
下之淫祀一切屏除使鬼之無所歸附者不
失祭享則災厲不作是亦除民害之一端也

品祭歲以清明中元十月朔致祭凡祭用羊三豕三果四羹

飯冥衣數百具

以米三石炊飯
席地焚香列炬

猗氏縣志

卷之一

三十五

儀祭先期道迎城隍神位于壇榜無祀鬼神于兩旁屆期長

吏率僚佐俟晡時致祭行四拜三獻送神禮畢

土地祠歲以春秋仲月上巳日祭

城隍廟歲以春秋仲月上巳日合祭于山川壇

八蜡廟歲以春秋仲月上巳日祭

鄉飲酒禮

鄉飲酒禮每歲正月十五日十月初一日於明倫堂行禮
以正官爲主位東南以致仕官爲大賓位西北擇鄉里年
高有德之人爲僎賓位東北以次長爲介賓位西南以賓
之次者爲三賓位于賓主介僎之後司正以教職爲之主

揚解以行罰贊禮以老成生員爲之

又據大明集禮如無僕賓以佐貳官爲之

先期主人朝服就先生而謀賓介

先生鄉中致仕者大夫名曰父師士名少師恒

知鄉人之賢者是以就而謀之

戒賓詣賓門將命者入告曰某日行鄉飲

酒禮請某子臨賓出迎門外肅主以入至堂揖訖主人前

曰吾子學優行高應茲觀國某日展禮請吾子臨之賓曰

某固陋恐辱命敢辭主人曰謀于父師少師莫若吾子賢

敢固以請賓曰夫子申命之某敢不敬須主人再拜賓拜

主人退賓拜送主人戒介亦如之乃歸陳設坐次司正率

執事習禮至日黎明宰牲具饌主人率僚屬司正先至遣

人速賓賓至出迎于庠門外三揖三讓升堂兩拜就位執

猗氏縣志

卷之一

三十六

事者引司正詣堂中北面立賓僕以下皆立司正揖賓僕

以下皆報揖執事者以解酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食允我長幼

各相勸勉爲臣盡忠爲子盡孝長幼有序兄弟恭內睦

宗族外和鄉里無或廢墜以忝所生讀畢司正飲酒飲畢

以觶授執事司正揖賓僕以下皆報揖司正復立執事者

舉律令案于堂中讀律令者詣案前北向立賓僕以下皆

拱立讀曰大誥鄉飲酒禮叙長幼論賢良別姦頑異罪人

其坐席間高年有德者居于上高年淳篤者並之以次序

齒而列其有曾違條犯法之人不許干與良善之席主者

若不分別致使貴賤混淆察知或發覺罪以違制姦頑紊亂正席者全家移出化外讀畢復位執事者舉饌案至賓前主人獻賓薦脯醢設折俎賓酬主人如之獻僕介僕介酬皆如之各就位坐工入升歌鼓瑟歌鹿鳴四牡皇皇者華三終主人獻工笙入笙南陔白華華黍三終間歌魚麗笙由庚歌南有嘉魚笙崇邱歌南山有臺笙由儀三終乃合樂關雎鵲巢葛覃采芣卷耳采蘋三終工告正歌備乃徹饌賓主兩拜訖又賓僕介衆賓拜訖送賓三揖出庠門而退明日賓服鄉服以拜賜主人如賓服以拜辱

國朝順治十八年知縣楊乾晉初舉行康熙十二年知縣
猗氏縣志 卷之一 三十七
陳一魁雍正七年知縣宋之樹復舉行焉

按會典鄉飲之設所以尊高年尚有德興禮讓敢有諠詳失禮者許揚解者以禮責之其或因致爭競者主席者會衆罪之又凡里社每歲春秋社祭會飲畢行鄉飲酒禮所用酒肴于一百家內供辦毋致奢靡百家內除乞丐外但係年高者雖至貧亦須上坐少者雖至富必序齒下坐不許攙越違者以違制論其有過犯之人雖年長財富須坐于衆賓席末聽講律受戒諭供飲及畢同退不許在衆賓上坐如有過犯之人先行赴飲及強坐衆賓之上者即係頑民主席及諸人首告遷徙邊遠在坐其主席及衆賓推讓有犯人在上坐同罪各里社以百家爲一會百家之內以里長主其餘百人選年最高有德人所推服者一人爲賓其次一人爲介其餘各依年齒序坐如有鄉人爲官致仕者主其禮以爲僕擇通文學者一人爲揚解一人爲讀律二人爲贊禮故曰鄉飲定制使民歲時燕會習禮讀律又按禮記注先儒謂鄉飲有四一則三年賓賢能二則鄉大夫飲國中賢者三則州長習射四則黨正備祭

鄉人凡有會聚當行此禮恐不特四時也論語
又按鄉飲酒杖者出斯出矣亦指鄉人而言之
門外主人拜賓及介而衆賓自入貴賤之義別矣三揖
至于階三讓以賓升拜至獻酬辭讓之節繁及介首矣
至于衆賓升受坐祭立飲不醉而降陰殺之義辨矣工
入升歌三終主人獻之笙入三終主人獻之間歌三終
合樂三終工告樂備遂出一人揚觶乃立司正焉知其
能和樂而不流也賓酬主人主人酬介介酬衆賓少長
以齒終于沃洗者焉知其能安燕而不亂也此五者之教
坐修爵無數飲酒之節朝不廢朝莫不廢夕賓出主人
拜送節文終遂焉知其能安燕而不亂也此五者之教
古今莫可易也餘若尊于房戶洗當東榮烹狗東方齊
肺啐酒之類先王立義固深然古今異宜不必同也

論曰王制習射上功習鄉上齒耆老皆朝于庠原以
簡鄉之不率教者也故明初鄉飲定制分席三等旌
罰並行勸懲別焉今里社中此禮久不講矣即學校

倚氏縣志

卷之一

三十六

舉行往往瞻顧因循善否混淆崇德黜惡之謂何且
所舉師宿鄉更亦第聲聽相舉轉爲市德射利之資
而舉者未必稱稱者不得舉令人環視橋門咨嗟嘆
惜謂大典不光豈足貴哉浙中陳邑侯力復古道訪
擇惟公庶幾鄭重大典以維風者與

鄉射禮

射禮前期戒射定耦選職事充司正副司正司射司射器
請射舉爵收矢執旗樹鵠陳設訖至日執事者入就位請
射者引主射正官及各官員子弟士民俊秀者各就品位
司射器者以弓矢置于各正官及司射前請射者請正官

前揖畢引詣司射器前受弓矢訖復位司正執筭入立于
中後請射者詣司射前曰請誘射引司射二人耦進各以
三矢搯于腰帶之右以一矢挾于二指間推年長者爲上
射年幼者爲下射上射先詣射位向鵠正立發矢司正書
中投筭置于中舉旗者如所射應之射畢退立于傍讓下
射者詣位射訖請射者俱引復位收矢者收矢復于射者
司正取所中筭請射者次請士民俊秀射次請官員子弟
射次請品卑至品高者射其就射位發矢取筭書中舉旗
收矢復位皆如前儀既畢司正副司正各持筭白中于主
射正官舉爵者酌酒授中者飲之中的者三爵中采者二
爵飲訖請射者請屬官以下奉弓矢納于司射器還詣主
射正官前相揖而退

明萬曆年間射禮文
廢惟存射圖墓址

按記曰合諸鄉射教之鄉飲酒之禮而孝弟之行立

矣今儀禮全文不能盡復即會典所載亦久不行究
之未可沒也謹錄大畧以存古制之遺

鄉約

鄉約所各關廂里社俱以寬敞廟宇爲之康熙八年署縣
事萬錦雯著六諭衍義刊行各鄉村仍以時屬父老告戒
子弟咸知講誦十二年知縣陳一魁每月初二十六下鄉
講約邑人民翕然向風焉五十三年邑令陳騰章仍復行

請約刊勸化文給散鄉村

雍正二年邑令宋之樹每遇朔望宣講聖諭廣訓教條

按漢制五官為廷掾監卿五部春夏為勸農採秋冬為制度採民五家為伍伍長主之十伍為什什長主之十什為里里魁主之十里為亭亭長主之十亭為鄉鄉有三有秩鄉佐三老嗇夫游徼各一人有秩鄉佐主賦稅三老主教化嗇夫主爭訟游徼主姦非明制百一十戶為一里里有長十戶為一甲十甲為一保保有正副擇有才幹者為之優其禮遇俾率丁壯具兵杖肆武藝以備非常遇有警相為救援鳴宵柝禁夜翔以防盜偷十家為一牌埧註名籍生業輸流懸掛出入往來互相覺察一家有犯不舉發者連坐大率家統于甲甲屬於社社隸于保此保甲之法也又有鄉約有老人賜以官帶凡鄉村爭訟者成就實焉否則為越濟此鄉約之法也近以於人烟湊集之處新設約正一人值月三四月每月朔望宣講法良意美莫善於此矣

論曰古者庠序學校之設非僅教士兼以教民也故

曰化民成俗必由乎學又曰小人學道則易使也倚

倚氏縣志

卷之一

四十

俗朴邀寡文人多任剛負氣然勤儉節義先王遺教

猶存則撫經教養勸農講學所執於司是土者良非

淺哉

文廟祀典續

雍正二年八月奉

旨增定文廟從祀先賢先儒復祀者六人林放蘧瑗秦冉顏

何鄭康成范甯增祀者二十人縣置牧皮樂正子公都子

萬章公孫丑諸葛亮尹焞魏了翁黃翰陳淳何基王柏趙

復金履祥許謙陳澹羅欽順蔡清陸龍其又增從祀

祠一人張迪立呂周氏之下程氏之上

祀典續

先農壇每歲春二月亥日致祭凡祭用猪一羊一爵三
鉶一籩四豆四簋四簋四祭畢行耕籍禮祭品即以
藉田所出麥粟備辦又有額設銀兩

關帝廟每歲春秋仲月 日致祭每祭 帝君殿用牛
一羊一籩十豆十棗一盞一膏魚一韭菹一菁菹一
黍一稷一稻一梁一帛一 啟聖三代祠每祭用豕
三羊三籩豆各八棗一粟一盞一膏魚一黍一梁一
稷一帛三又每歲五月十三日致祭帝君殿用牛一
豕一羊一帛一果品五 三代祠用豕一羊一帛三

猗氏縣志

卷之一

四十一

果品五額設銀兩載田賦項下

忠義孝弟祠每歲春秋仲月致祭無額設銀兩
節孝祠每歲春秋仲月致祭無額設銀兩

猗氏縣志卷之一

祠祀

諸侯得祭封內山川禮也社稷壇壝而外凡有功德于民者則祀之非是不祭祭則瀆故為政者先成民而後致力于神其潔粢盛飾籩豆省牲灌鬯鼓瑟吹竽無非為民祈福如郇伯之肇封北平之戡亂生有陰雨之膏沒有奠安之績世世血食載諸祀典豈不宜哉若猗頤鄧禹其事雖無可攷然其來已久禋祀必非無因故並存之志祠祀

社稷壇

在城外西北

高三尺四出陛各三級右社左稷

猗氏縣志

卷之一

四十一

風雲雷雨山川壇

在城外西南

高三尺四出陛各三級中風

雲雷雨左山川右城隍

厲壇

在社稷壇旁

高三尺以城隍神位主之列無祀鬼神于

旁

三壇俱明洪武六年知縣岳本初建國朝康熙二年知縣楊乾晉更建屋宇控制壇而不屋隸以周垣

所謂壇也唯立神庫神厨宰牲房齋宿所可耳

土地祠

在縣治內一在學宮內

禮豆香拈歡學鼓瑟如卒厥非

城隍廟

在縣治西廟門坊日勒封顯佑伯

限實為為如昔夫如月而

八蜡廟

在東門外

蠶桑農事之神也

郇伯廟

在縣治東北舊射圃地一在閭王廟北

趙武既立報樹已者智靈

神德廟

在四大夫屯博為趙武既立報樹已者智靈

云建

倚頓廟 在王

關王廟 在縣治東北各村 俱立廟不悉載

莊武王廟 在北門內廟門坊曰古壘秋風 左曰功濟四海右曰威震三河

藥王廟 在莊武王廟後傳為孫真人思邈來醫 軍士疾病因建祠于廟內禱藥即應

已上祀先賢有功德于民者舊志尚載虞帝廟在智光 村西王廟在祁任村文王廟在三里村令狐村王鑑村

晉文公廟在張岳鎮奇謂古帝王公侯似非州縣所應 祀恐瀆祀反以褻神也又高密侯廟在上李村村外樹

神道碑傳為漢高密侯安邑曾屯兵于嶽嶺坡有神 羗堡又魏崔公祠傳為魏微崔公弼廟舊在西門月城

內今後建城隍廟西又府君廟一在王鑑村一在李寺 村不知為何許人又有竇姬廟在水南村傳為漢光武

故里陵谷代變不無傳會之說茲不具列 微時經過此地遇姬後即位姬卒勅賜之

倚氏縣志

卷之一

四十三

文昌廟 在下任鎮東南明萬曆丙申 知縣郭九有撰碑

帝君閣 在北門內生儒以 二月三日致祭

龍王廟 在射圃前聚奎池 滙其南六月 邑人性醴祀焉一在涑河橋北

后土廟 在西關坊曰汾陰 行宮一在張嵩村

火星廟 在東關外患瘡疥者 詣廟取帚掃之輒愈

已上按各志當為祀諸土神以時祈禱者舊志尚載 泰山廟在東關外南嶽廟在古縣口西嶽廟在李漢村陳

庄村真武廟在城北又城東南隅又涑河橋北窈窕境 內山川皆有定祀四嶽亦非州縣所宜祭也又有王皇

閣在南門內天王樓在閣北街口天神廟在城北妙道 寺東南三官廟在水撞巷口二郎廟在王村移山廟在

景村俱非祀 典之正也

論曰聖王先成民而後致力於神即載在祀典者豈

祀時謂弗欽况可矯舉以媿非祀之鬼乎故壇壝蜡祭以奠方域大祈報也先賢廟祀以崇功德教忠敬也而李陽冰記縉雲城隍文猶謂既有社矣不應復有城隍狄仁傑大毀淫祠而程子猶謂所存子胥廟宜祀于吳不宜祀于越先儒之論祭義何其嚴哉夫惟嚴而後祭義專專則精誠足相通也爰自壇廟通祀而外擇近正者列之首其可知而不敢傳會其所不可知至于寺觀有舊志不勒建傳爲古蹟者附志之餘則不能盡詳亦陰寓出不闢之意也

祭嚴非鬼祀戒淫祠惟報德與酬功乃薦馨而告廟卹猗氏縣志

卷之一

四十四

伯之陰膏未遠莊武之戡亂如生惠我人民宜歆俎豆補

先農壇在東關外正房三間廂房左右各一間大門一間壇一座藉田四畝九分雍正四年知縣宋之

皆建置樹奉

關帝廟啓聖祠在廟內東北隅雍正五年追封帝君三代曾祖爲光昭公祖爲裕昌公

父爲成忠公

倚氏縣志卷之一

橋梁

倚地平衍無名山大川自峩眉坡下矚一平如掌至縣東南八里有涑水滌洄繚繞似衣帶凡橋梁多邑中好義者共為之架石跨淵壞則復砌病涉之患庶其免矣

永濟橋

在城西門外

廣惠橋

在城東門外以上二橋俱于萬歷十九年大水漂毀知縣黃道見重修

利民橋

在城西南十五里崔家灣今廢

社村橋

在城南十里今廢

倚氏縣志

卷之一

四十五

涑水橋

在城東南八里西北行蓋要路萬歷三十一年巡按王公暨巡道魯公思虞創建石橋巡蓋魯

公舜漁紀碑橋

有坊南曰虹橋永賴北曰萬里周行康熙四十三年邑紳喬士容捐貲百金重修

香落橋

在城西南十五里橋生陳湛念倡修于適月于順治九年重修

原頭橋

邑令陶自悅康熙四十一年倡建

論曰舟楫之利以濟不通古帝宜民之制至深遠也

吾邑無洪波巨浸渡不容舟而淫霖暴漲冰澌洄寒行旅苦之橋梁成民不病涉矣昔人謂啟塞從時墮壞而治不可限以土工惠民者曷加意焉

猗氏縣志卷之二

平陽府同知加一級潘 鐵纂輯

知猗氏縣事文登宋之樹重輯

戶口

王制諸侯三年一大比籍一國之民數獻之天子天子拜而受之紀於內史藏於天府冢宰式之以佐王治蓋視民若斯之重也年二十成丁受田七十養老其成丁者歲農隙公旬三日此力役之征所由始而後世遂為丁徭夫戶口有登耗聖王在上風不鳴條民無天札往往人浮於田我猗民自

猗氏縣志

卷之二

一

國家定鼎以來休養生息者於茲已八十六年宜滿目之
林林總總也而

聖人如傷念切加意撫綏猶特頒

恩詔丁額以五十年為率滋生人口著為定例永不加賦

非深仁厚澤之至哉豈弟君子宜壽考之萬年矣

本縣丁徭舊志三門九則○上上則徭銀無考上中則徭銀無考上

下則每丁徭銀七兩五錢一分四釐五毫九絲中上則每丁徭銀五兩七錢二分八釐五毫中

中則每丁四兩六錢九分二釐五毫九絲中下則每丁徭銀三兩四錢五毫下上則每丁

徭銀一兩七錢七分七釐下中則每丁徭銀九錢五分六釐四毫二絲下下則每丁

徭銀四錢四分三釐四毫

皇清康熙元年編定俱下下則知縣楊乾晉戒地差銀五
釐七毫五絲合顏料銀九兩二錢九分四釐二毫五絲
計下下則徑銀少增而除去地差顏料大半善爲調劑

本縣戶口人丁

洪武年戶一萬二千八百七十四

萬曆年戶六千四百八十一

康熙五十二年奉

旨以康熙五十年審編人丁額數爲率嗣後滋生人口永

不加賦

康熙五十五年審編實在行差民人共一萬一千四百

三十二丁俱下下則每丁徵銀伍錢實徵銀五千七

倚氏縣志

卷之二

二

百一十六兩更名屯丁六十九丁每丁徵銀二錢二

分二毫九絲實徵銀一十五兩二錢以上共實徵銀

五千七百三十一兩二錢

賦役全書內載舊管原額人二萬八千九百九十丁該均徭

銀七千一百七十兩三錢八分四釐六毫三絲三忽

四微一纖七沙五塵順治五年編審實行差人四千

四百二十三丁該均徭並地差銀七千一百七十兩

三錢八分四釐六毫三絲三忽四微一纖七沙五塵

又加增胖襖銀七十四兩四錢共銀七千二百四十

四兩七錢八分四釐六毫三絲三忽四微一纖七沙

五塵內於順治八年二月內題奉

旨蠲免傷亡人七丁該徭銀六兩四錢九釐又准戶部
咨議覆河南道御史王應元疏請缺額徭銀於順治

八年八月內奉

旨蠲免王府民校上班民壯派剩共銀二千一百一十五
兩六錢七釐四毫五絲又存留銀三百四十七兩八
分六釐四毫又於順治十四年九月內題奉

旨蠲免逃故人四十五丁該徭銀二十二兩五錢康熙元
年審編

實在共人九千九百五十七丁內除紳衿優免本身五

倚氏縣志

卷之二

三

百八十丁外

實行差人九千三百七十七丁該均徭銀四千六百八

十兩二錢五釐七毫五絲辦買本色顏料加增銀九

兩二錢九分四釐二毫五絲地差銀一百三十六兩

四錢七分六釐三絲三忽四微一纖七沙五塵共銀

四千八百二十五兩九錢七分六釐三絲三忽四微

一纖七沙五塵今康熙二十一年審編康熙二十二

年分

實在共人九千九百五十九丁內除紳衿優免本身五

百八十丁外

實行差人九千三百七十九丁俱下下則每丁徵銀五錢共徵均徭并辦買本色顏料加增銀四千六百八十九兩五錢又地差銀一百三十六兩四錢七分六釐三絲三忽四微一纖七沙五塵共銀四千八百二十五兩九錢七分六釐三絲三忽四微一纖七沙五塵兩

順治十二年清出丁丁與丁丁俱下下則每丁徵銀五錢共東土著新編人五十九丁俱下下則每丁徵銀五錢共銀二十九兩五錢

順治十四年清出
倚氏縣志 卷之二 四

紳衿優免供丁九百六十二丁俱下下則每丁徵銀五錢共銀四百八十一兩

康熙十二年清出
丁丁俱下下則每丁徵銀五錢共銀五兩

康熙十六年清出
丁丁俱下下則每丁徵銀伍錢

實在鹽丁一千二十二丁俱下下則每丁徵銀伍錢共銀五百一十一兩

以上通共實行差人一萬一千四百三十二丁共徵均徭并辦買本色顏料加增銀五千七百一十六兩更

名屯丁六十九丁徭銀一十五兩二錢二項共實徵銀五千七百三十一兩二錢

戶口續

雍正四年正月內題奉

旨歸併平陽衛中所屯戶一百一十八丁共徵徭銀八十

八兩五錢一分九厘五毫

三門九則各徵不等中上則三丁每丁銀二兩一錢

三分三厘共銀六兩三錢九分九厘中則四丁每丁銀一兩七錢七分七厘五毫共銀七兩一錢一分

中下則八丁每丁銀一兩四錢二分二厘共銀一兩一兩三錢七分六厘下上則二十丁每丁銀一兩六分六厘五毫共銀二十一兩三錢三分五厘中則三十

六丁每丁銀七錢二分一厘共銀三十五兩五錢九分六厘下則四十七丁每丁銀三錢五分

猗氏縣志 卷之二 五

又歸併蒲州所屯戶共一十六丁半每丁徵銀四錢七

分六厘四毫七絲八忽九微二纖四沙七塵二渺二

漠共徵徭銀七兩八錢六分一厘九毫二忽二微五

纖七沙五塵八渺六埃三漠

雍正五年四月內題奉

旨裁革修築鹽丁改作民丁四百一十二丁每丁徭銀五

錢共徵銀二百六兩

以上實行差人民鹽屯戶共徵均徭銀六千三十三兩

五錢八分一厘四毫二忽二微五纖七沙五塵八渺

六埃三漠

外地差銀已派入賦項下

康熙五十一年遵奉

恩詔徭銀以五十年審編丁數為額嗣後滋生人永不加

賦

民戶 康熙五十五年審編續生一百二十人 康熙六十年審編續生三十五人 雍正四年審編續生三十

五人 共一百九十人

屯戶 康熙五十五年審編續生六人 康熙六十年審編續生二人 雍正四年審編續生二人 共一

十人

猗氏縣志

卷之二

六

十八

正 康熙五十五年審編續生六人 康熙六十年審編續生二人 共一

正 共一百六十八人

月 康熙五十五年審編續生三十五人 康熙六十年審編續生三十

人

恩詔新賦以五十年審編丁數為額嗣後滋生人永不加

康熙五十一年遵奉

猗氏縣志卷之二

田賦

昔禹平水土辨九州之田而定其賦此田賦之所由昉也洎秦壞井田開阡陌而三代之制遂不可復限田雖云近古而又代有紛更至唐楊炎立夏秋兩稅之法迄今未改然上以是取下以是貢禮也亦分也况我朝歲嚴赤歷既易悉小民之完欠統歸戶部又易覈有司之考成法至精且詳矣即猗民力田之外別無生理田賦所由出視他邑為最艱而風淳俗厚亦不敢少緩惟正之供也

猗氏縣志

卷之二

七

本縣民地起科品色

平地每畝折色銀九分一釐八毫

每畝徵糧八升一勺九抄九撮五圭五粒五粟

每石折銀九錢三分四釐八絲一忽四微一纖一沙一渺四埃八漢

坡地每畝折色銀八分四釐二毫

每畝徵糧六升二勺九抄每石折銀九錢三分

四釐八絲一忽四微一纖一沙一渺四埃八漢

花鹹地每畝折色銀四分五釐九毫

每畝徵糧三升五合每石折銀九錢四分

三釐九毫三絲一忽九微九纖七沙

屯田更名田起科品色

上鹹地每畝折色銀二分二釐四毫

每畝徵糧二升八合每石折銀八錢

中沙地每畝折色銀二分一毫二絲三忽六微五纖

每畝徵糧

一升五合一勺五抄四撮五圭每石折銀八錢

下瘠地每畝折色銀一分七釐六毫 每畝徵糧二升二合

夏名田沙地每畝徵銀一分五釐

舊志賦法

平地舊載平地四千一百四十頂一畝四分八釐五毫

抄九撮二圭五粟折銀三萬一千一百四十九

釐八毫七絲九微三纖二塵七渺九埃加九釐銀三

千七百八十九兩一分三釐三毫六絲五忽站銀二

千七百八十九兩一分三釐三毫六絲五忽站銀二

絹銀一兩七錢四分六釐二毫九絲四忽三微四纖

六沙九塵一渺三埃二漠共徵銀三萬七千五百三

十一兩五錢七分三釐六毫四絲七忽二微七纖七

沙一塵九渺二埃二漠每畝徵折色銀九分六毫五

絲五忽六微四纖九

沙八塵九埃五漠

倚氏縣志

卷之二

八

坡地舊載坡地四百七十九頂四十八畝二分七釐二

八抄六撮五圭五粒四粟折銀二千六百九十八兩

四錢五分二釐二毫六絲九忽九微六纖九沙七塵

二渺一埃加九釐銀四百三十一兩五錢三分四釐

四毫四絲三忽九微絲絹銀二錢二釐二毫四絲七

六毫四絲三忽九微絲絹銀二錢二釐二毫四絲七

忽二微一纖三沙六塵一渺九埃四漠共徵銀三千

三百七十二兩九錢一分七釐六毫九忽八纖三沙

三塵四渺四漠每畝徵折色銀七分三毫四絲四忽

賺地

舊載賺地六頂九十一畝四分徵糧二十四石一

加九釐銀六兩二錢二分二釐六毫站銀二兩三分

三釐二毫三絲九忽一微絲絹銀一釐四毫五絲八

忽四微三纖九沙四塵六渺七埃四漠共徵銀三十

六兩七分九釐九沙四塵六渺七埃四漠共徵銀三十

九毫八絲四微七纖八塵四渺一埃

舊載易知由單

平地 順治年間墾平地八頃七十一畝九分七釐九毫

做二織 〇康熙年間墾平地六十八頃三十七畝八分五釐九毫一絲九毫一絲銀銀六百二十五兩六錢六分四釐一毫七忽六微五纖〇每畝

微折色銀九分一釐五毫

坡地 順治年間墾坡地一十一頃五十九畝七分五釐六毫九絲九忽八微九沙三塵〇康熙年間墾坡地二百五十二頃九十五畝五分三釐九絲九忽九微七沙七塵七毫八兩六錢三分四毫五絲九忽九微七沙七塵七毫五埃七漠〇又順治十二年清出坡地九畝六分

六釐五毫六絲銀銀六〇每畝微折色銀七分一釐

錢九分一釐九絲四微五毫

謙地 順治十二年清出謙地三頃三十一畝四分九釐三毫一絲銀銀一十四兩九錢一分七毫一絲四忽八微〇

賦法同舊

荷氏縣志

卷之二

九

考邑壤分三則差高下也而三則之中新舊異法則不可

解矣按舊法以稅糧計每畝平地八升一勺九抄九撮五

圭五粒五粟坡地六升二勺五抄八撮地三升五合以折銀

計每石銀九錢三分四厘八絲一忽四微一纖一沙一渺

四埃八漠以加賦計每畝加九厘銀每石加站銀八分四

厘二絲一忽六微一纖三沙五塵五渺四埃七漠此簡明

頭役所定也迺易知單載舊熟地內既加九厘銀站銀又

加絲絹銀而每畝徵銀平地僅九分六毫有奇坡地僅似

分三毫有奇至於績墾平地新清地絲絹站銀坡地且七分

本縣賦役全書

一厘五毫向今田賦應輕而較舊賦轉重耶至於全書派

糧更異由單平地每畝徵銀且九分一厘八毫矣坡地每

畝徵銀且八分四厘二毫矣愚民組成例而莫之訴猾胥

恣飛洒而莫之詰近聞開撥一端實滋詭寄諸獎善鬻者

增賦而售糶文者去籍而耕貧儒之夫或包空糧冊書之

尚缺原額頭緒禁雜搜之既難於得情賄囑多方清之

亦易以中餒自非廉明公正之令其獎未能驟革也謹繕

詳注以待有志囊壤者

原額民田共地五千二百八十九頃五十七畝七分
共徵夏秋糧四萬六百二十七石八斗六升九合
九勺九抄五撮俱係折色坐價不等並絲絹馬草
共派銀三萬八千三百四十九兩九錢四分六釐
七毫一絲九忽六微地畝九釐銀四千七百六十
兩六錢一分九釐三毫驛站銀三千三十四兩五
錢一分通共銀四萬六千一百四十五兩七分六
釐一絲九忽六微於順治四年十二月內山西巡
撫祝 具題部覆奉

旨蠲免無主荒地一百一十頃九十八畝一分三釐七毫
倚氏縣志 卷之二 十

該糧九百一十二石一斗九升一合一勺每石折
銀九錢四分三釐九毫三絲一忽九微九纖七沙
該銀八百六十一兩四分六釐四毫地畝每畝應
徵九釐該銀九十九兩八錢八分三釐二毫三絲
三忽二項共銀九百六十九兩九錢二分九釐六毫
三絲三忽又於順治十四年二月內山西巡撫白
具題部覆奉

旨蠲免傷亡荒地三頃九十七畝三釐七毫該糧二十六
石七斗六升一合八勺四抄四圭三釐八粟每石
折銀一兩四分三釐二毫六絲四忽八纖五沙該

銀二十七兩九錢一分九釐六毫六絲七忽地畝
每畝應徵九釐該銀三兩五錢七分三釐三毫三
絲三忽二項共銀三十一兩四錢九分三釐又於
順治十四年九月內山西巡撫白 具題部覆奉
旨蠲免續荒地五百四十八頃二十一畝三分六釐九毫

該糧三千五百七十三石九升七勺六抄八撮八
圭三粟每石折銀一兩四分二釐六毫八絲八忽
四微四沙該銀三千七百二十五兩六錢二分三
毫一絲一忽七微地畝每畝應徵九釐該銀四百
九十三兩三錢九分二釐三毫二絲一忽二項共
銀四千二百一十九兩一分二釐六毫三絲二忽

倚氏縣志

卷之二

十一

七微

實在熟地四千六百二十六頃四十一畝一分五釐七
毫共徵糧三萬六千一百一十五石八斗二升六
合二勺八抄五撮七圭五粒九粟該折銀三萬三
千七百三十五兩三錢六分三毫四絲九微地畝
九釐銀四千一百六十三兩七錢七分四毫一絲
三忽驛站銀三千三十四兩五錢一分三項共銀
四萬九百三十三兩六錢四分七毫五絲三忽九
微內

平地四千一百四十頃一畝四分八釐五毫每畝徵
糧八升一勺九抄九撮五圭五粒五粟共糧三萬
三千二百二石七斗四升三合八勺九抄九撮二
圭五粟每石折銀九錢三分四釐八絲一忽四微
一纖一沙一渺四埃八漠該銀三萬一千一十四
兩六分五釐八毫七絲九微三纖二塵七渺九埃
地畝每畝應徵九釐該銀三千七百二十六兩一
分三釐三毫六絲五忽站銀每石派銀八分四釐
二絲一忽六微一纖三沙五塵五渺四埃七漠該
銀二千七百八十九兩七錢四分八釐一毫一絲

七忽三項共銀三萬七千五百二十九兩八錢二
分七釐三毫五絲二忽九微三纖二塵七埃九漠
坡地四百七十九頃四十八畝二分七釐二毫每畝
徵糧六升二勺五抄共糧二千八百八十八石八
斗八升三合三勺八抄六撮五圭五粒四粟每石
折銀九錢三分四釐八絲一忽四微一纖一沙一
渺四埃八漠該銀二千六百九十八兩四錢五分
二釐二毫六絲九忽九微六纖九沙七塵二渺一
埃地畝每畝應徵九釐該銀四百三十一兩五錢
三分四釐四毫四絲八忽站銀每石派銀八分四

釐二絲一忽六微一纖三沙五塵五渺四埃七漠
該銀二百四十二兩七錢二分八釐六毫四絲三
忽九微三項共銀三千三百七十二兩七錢一分
五釐三毫六絲一忽八微六纖九沙七塵二渺一
埃

花鹹地六頃九十一畝四分每畝徵糧三升五合共
糧二十四石一斗九升九合每石折銀九錢四分
三釐九毫三絲一忽九微九纖七沙該銀二十二
兩八錢四分二釐三毫地畝每畝應徵九釐該銀
六兩二錢二分二釐六毫站銀每石派銀八分四

釐二絲一忽六微一纖三沙五塵五渺四埃七漠
該銀二兩三分三釐二毫三絲九忽一微三項共
銀三十一兩九分八釐三絲九忽一微

一屯田平陽衛坐落本縣共地三百一十四頃一十六
畝二分五釐二毫共糧七百九十二石二斗八升
七合七勺共折銀六百三十三兩八錢三分一毫
六絲內

上鹹地七十一頃一十八畝六分二釐每畝徵糧二
升八合共糧一百九十九石三斗二升一合三勺
六抄每石折銀八錢該銀一百五十九兩四錢五

分七釐八絲八忽

中沙地一百八十五頃一十八畝五分二毫每畝徵
糧二升五合一勺五抄四撮五圭共糧四百六十
五石八斗二升五合四勺八抄每石折銀八錢該
銀三百七十二兩六錢六分三毫八絲四忽
下瘠地五十七頃七十九畝一分三釐每畝徵糧二
升二合共糧一百二十七石一斗四升八勺六抄
每石折銀八錢該銀一百一兩七錢一分二釐六
毫八絲八忽

一晉府更名田沙地六十頃五十二畝每畝徵租銀一

倚氏縣志

卷之二十

十四

分五釐共銀九十兩七錢八分

更名屯人六十九丁共徵差銀一十五兩二錢

已入丁
徭項下

一萬歷年間加增絲絹銀一兩九錢五分

一順治十二年起至十八年止共開墾過民田荒地二

十頃三十一畝七分三釐六毫共徵糧一百四十

石三斗四升一合八勺五抄五撮一圭九粒八粟

各徵不等共折色銀一百六十二兩七錢八釐七

毫五忽立徵九沙三塵

順治十二年清出

無糧地三頃四十一畝一分五釐八毫七絲共徵

糧一十三石七斗三升六合四勺六撮二圭五粒
共折色銀一十五兩六錢一釐八毫五忽二微

一康熙元年起至四年止共開墾過民田荒地三百二
十一頃三十三畝三分九釐共徵糧二千七十二
石七斗六升一合五勺三抄六撮八圭六粟各徵
不等共折色銀二千四百三十四兩二錢九分四
釐五毫六絲七忽五微五纖七沙七塵七渺五埃
七漠

一康熙十六年清出並續查出隱漏額內續荒民田共
地六十頃六十一畝二分八毫共徵糧三百六十

倚氏縣志

卷之二

十五

三石三斗七升一合八勺七抄七撮三圭六粒八
粟各徵不等共折色銀四百三十三兩四錢三分
四釐五毫一絲四忽八微七纖一沙三塵二渺三
埃七漠

以上民田屯田更名田實在熟地五千四百六頃七
十六畝九分一毫七絲各徵不等共折色銀並加
增絲絹等銀共四萬四千七百零六兩二錢四
分五毫七忽一微三纖八沙三塵九渺九埃四漠
內

民田共地五千三十二頃八畝六分四釐九毫七絲

共徵折色並加增絲絹銀四萬三千九百八十一
兩六錢三分三毫四厘七忽一微三纖八沙三塵
九渺九埃四漠

屯田共地三百一十四頃一十六畝二分五厘二毫
共徵折色銀六百三十三兩八錢三分一毫六厘
更名田共地六十頃五十二畝共徵租銀九十九兩七
錢八分

田賦續

雍正六年首報開墾隱漏額內坡荒地二十四頃七十

七畝四分二厘每畝徵糧六升二勺五抄共徵糧

倚氏縣志

卷之二

十六

一百四十九石二斗六升四合五勺五抄五撮每
石折銀九錢三分四厘八系一忽四微一纖一沙
一渺每石派驛站銀八分四厘二系一忽六微一
纖三沙五塵五渺四埃七漠又地畝九厘銀二十
二兩二錢九分六厘七毫八系共實徵折色銀一
百七十四兩二錢六分三厘四毫七系四忽九微

六沙五塵二渺五漠

雍正四年內題奉

旨歸併蒲州所申地一十五頃一十畝七分九厘每畝徵
本色米六升八合五勺四抄七撮四圭一粒五粟

共徵米一百三十石五斗六升七勺五抄

以上民田更名田共地五千四百四十六頃六十五

畝一分一厘一毫七系除本色米外實徵折色銀

共四萬四千八百八十兩五錢三厘九毫八系二

忽四纖四沙九塵一渺九埃九漠

又地差銀一百三十六兩四錢七分六厘三系三忽

四微一纖七沙五塵此項舊志載於下
徭額內今移於此

又額外加徵黃絲覓匠價銀三十兩六錢三分七厘

五毫此項舊志載額外項下按
黃絲從地起科宜附於此

論曰無政事則財用不足甚哉理財節用為政事之大要

猗氏縣志 卷之二 十七

也自朝廷官府內外祭祀燕饗之需以及軍國之供億官

吏之祿糈鰥寡孤獨之生養何一不取資於正供哉周禮

敘以九賦均以九式今之為起運為存留者必曰經制錢

糧誠與容意為輕重於其間矣茲詳著賦役明財用所自

出也若金書若實徵若解支倉口皆次第詳焉所以導利

而布之上下也我 國朝準古酌今立為定制凡明末時

練餉加派悉皆蠲免屯田歸併本縣藩產概給民種固宜

比屋豐足而乃輸納愆期豈民之不樂急公哉蓋緣猗俗

朴拙耕讀而外毫無生息地內所產公私不能兩給耳養

民財紓民力是所望於賢司牧者

本縣現在實徵田賦定額

康熙五十五年審編民田平坡荒濞共地五千二百三十六頃三十畝一分一釐九毫四絲內

平地二千八百四十一頃九畝三釐六毫一絲八忽
每畝徵銀九分一釐八毫共銀二萬六千八十一兩二錢九釐五毫

坡地二千一百三十六頃四十三畝八分七釐二絲
二忽每畝徵銀八分四釐二毫共銀一萬七千九百八十八兩八錢一分三釐九毫

荷氏縣志

卷之二

後十七

荒地二百二十三頃一畝六釐二毫每畝徵銀七釐
六毫內東里堡三十四畝一分九釐該除銀二錢
六分實徵銀一百六十九兩二錢二分八釐三毫
新墾坡荒地二十四頃七十七畝四分二釐每畝徵
銀七分七釐九毫四絲一忽共銀一百九十三兩
九分一釐九毫

鹹地一十頃九十八畝七分三釐一毫每畝徵銀四
分五釐九毫共銀五十兩四錢三分一釐八毫

屯田上鹹中沙下瘠地共三百一十四頃一十六畝
二分五釐二毫

上鹹地七十一頃一十八畝六分二釐每畝徵銀二

分二釐四毫共銀一百五十九兩四錢五分七釐一毫

中沙地一百八十五頃一十八畝五分二毫每畝徵銀二分一毫二絲三忽七微共銀三百七十二兩六錢六分四毫

下瘠地五十七頃七十九畝一分三釐每畝徵銀一

分七釐六毫共銀一百一兩七錢一分二釐七毫更名沙地六十頃五十二畝每畝徵銀一分五釐共銀

九十兩七錢八分

舊晉府王田康熙十年改為更名田

千戶所地一十五頃一十畝七分九釐共徵本色米

猗氏縣志

卷之二

前十八

一百三石五斗六升七勺五抄

以上除本色米共銀四萬五千二百七兩三錢八分

五釐六毫內除原設修築鹽丁七百七十七丁該站銀二百八兩二錢三分六釐每年外加黃絲銀四十八兩四錢六分八釐一毫實徵共銀四萬五千四十七兩六錢一分七釐七毫

額外

額外解

部項下

此入地丁解支倉口搃數

共銀一百一十九兩三分八厘內

商稅銀六十八兩三錢八分八厘

匠價銀三十四兩六錢五分

酒課銀四十六兩

無額頭畜稅

牙帖銀二十二兩

當舖稅銀二十五兩

又額外起解項下

倚氏縣志

卷之二

十八

又額外起解項下

此不入解支倉口搃數

當舖稅銀二十五兩

雍正三年永盛當舖止今止稅銀二十兩

牙帖銀二十二兩

無額頭畜稅

無額房田稅

論曰重本抑末爰有征商之制然四民之中通工易事商

賈之為民利賴實多况倚地僻民貧百貨不集粟布油鹽

而外率皆求之他境則恤商惠工亦足財用者所宜急講

也

本縣錢糧解支項款倉口清冊

原額地丁錢糧併清出隱地錢糧並丁徭銀及額外

高稅酒課匠價共實徵銀五萬一千二百兩二錢

三分六厘九毫一系七忽七微四纖六埃二漢閏月

加銀三十二兩八錢三分四厘五毫三系五忽

額解大部項下後新續者亦入此摠數內

戶部項下共額解銀三萬七千九十二兩八錢二分六

厘五毫九系五忽七微二纖二沙五塵六埃二漢

宣府鎮銀一千七百五十八兩二錢七分七釐舊保安州

倚氏縣志

卷之二

十九

宣德等三倉併趙川葛峪堡倉夏稅項下麥一百六十一石每石折銀一兩共銀一百六十一兩

蔚州倉秋糧項下粟米七百六十八石每石折銀一兩共銀七百六十八兩 宣府萬億庫夏稅項

下布五十九疋准麥一百一十四石每石折銀二錢五分共銀二十八兩五錢秋糧項下米一千九

百八石內布一千八百七十九疋准米一千八百七十九石每石銀三錢花二百九十九斤准米二十

九石每石銀八錢共銀五百八十六兩九錢加徵宣府腳價夏稅項下銀五十五兩一錢九分七厘

秋糧項下銀八分 凡併六倉口 大同鎮銀一萬四千四百六十兩四錢二分八釐舊大

同銀億庫夏稅項下布一百八十四疋准麥二百二十石八斗每石折銀二錢五分共銀五十五兩

二錢稅糧項下米二千四百九十七石內布二千三百四十八疋准米二千三百四十八石每石銀

三錢花一千四百九十斤准米一百四十九石每石銀八錢共銀八百二十三兩六錢 大同廣聚

倉秋糧項下粟米六千三百二十一石每石折銀一兩共銀六千三百二十一兩
 大脚價夏加徵銀七十三兩六錢九分四厘秋加徵銀一千五百四兩八錢一分
 大同城草場草五萬八千一百一十二束九分每束銀八分共四千六百九十三束九分
 雲州草場草一萬二千六百九十三束九分每束銀八分共一千一十五兩五錢一分
 一厘加徵大同脚價銀六百一兩五錢八分
 凡併

八倉口

加徵三關脚價銀三百七十九兩四錢五分
同舊秋糧項下

王糧銀一萬一千五百九十一兩三錢七分五毫一

絲二忽三微
舊王府大有南倉夏稅項下麥二百石每石折銀七錢六分共銀一百五

十二兩
秋糧項下粟米五百石每石折銀九錢六分共銀四百八十兩
夏加徵銀五十六兩七錢五厘五毫
主府絳州倉夏稅項下麥二千一百一

倚氏縣志

卷之二

二十

石二千二百七十七合七勺二抄五撮每石折銀六錢
 共銀一千二百六兩七錢三分六厘六毫三絲五忽
秋糧項下粟米六百二十八石五斗一升八勺二抄每石折銀八錢共五百二十八兩八錢八厘六毫五絲六忽
慶城王府汾州倉夏稅項下麥三千五百二十九石每石折銀六錢共銀二千一百一十七兩四錢
秋糧項下粟米五千三百石每石折銀八錢共銀四千二百四十兩
王府大盈倉粟米三千三百三十七石每石折銀八錢共銀二千六百六十九兩六錢
王府共京倉粟米三千八百九十五石每石折銀八錢共銀三千一百一十六兩
襄垣王府蒲州豐濟倉粟米八百一十石每石折銀八錢共銀六百四十八兩
山陰王府蒲州豐濟倉粟米一千石每石折銀八錢共銀八兩
凡併十二倉口
舊銀共一萬六千二百五十九錢五分六厘八毫九絲一

閏朝三免荒地畧王糧四千六百一十四兩五錢八分六

厘三毫七絲
 八忽七微

農桑絲絹折色銀六兩八錢六分一釐七毫舊夏稅項下徵

農桑絲絹五疋內本色四疋每疋銀一兩三錢折色一疋徵銀七錢零絲八錢並鋪墊添搭等項共

銀六兩八錢一分八厘八毫五絲今改折色絹四疋本色絹一疋加增銀一兩九錢五分共八兩

七錢六分八厘八毫五絲內折色銀數見上本色銀數註後置買項下

地畝九厘銀四千一百六十三兩七錢七分四毫一

絲三忽萬歷未加徵每畝九厘釐銀共四千七百六十兩六錢一分九厘三毫

國朝三免荒地內除地畝九厘銀五百九十六兩八錢四分八厘八毫八絲七忽

更各地丁共銀一百五兩九錢八分舊晉府王田銀九十九兩七錢八

分屯丁差銀一十五兩二錢凡併二倉口

順治十二年起至八年止共開墾民田荒地糧銀一

倚氏縣志

卷之二

二十一

百六十二兩七錢八厘七毫五忽六微二纖九沙

三塵

清出無糧民地銀一十五兩六錢一厘八毫五忽二

微

康熙元年起至四年止共開墾民田荒地糧銀二千

四百三十四兩二錢九分四厘五毫六絲七忽五

微五纖七沙七塵七渺五埃七漠

康熙十六年清出併繕查出隱漏額內民田荒地糧

銀四百二十三兩四錢三分四厘五毫一絲四忽

八微七纖一沙三塵二渺三埃七漠

土著新編銀二十九兩五錢

實在人丁銀三十一兩又實在人丁銀三十二兩五錢

紳衿優免供丁銀四百八十一兩

康熙十二年清出不應優免人丁徭銀五兩

康熙十六年清出蓋丁徭銀五百一十一兩

進士坊牌銀一十四兩

禮部項下共銀七十兩一錢六分七毫三絲內

日紙價銀一兩七錢八分四厘每年加閏月銀五

分二厘二毫脚價銀一分六厘八毫六絲同舊後俱銀差

下項

猗氏縣志

卷之二

二十二

北羊價銀三兩三錢二分六厘五毫脚價銀三分五

毫舊在禮戶二部料銀內禮部料銀即大尾北羊價日紙價銀

羊價銀三十二兩脚價銀二錢八厘九毫六絲同舊

藥味價銀七兩二分七厘脚價銀三錢三分九厘七

毫一絲同舊內藥味三十斤每斤銀二錢三分三厘二毫四絲紙價銀二分七厘

果品銀二十五兩脚價銀三錢七分五厘同舊柿餅一千斤每

斤銀二分五厘

兵部項下共銀一百四十九兩一錢三分四厘六毫二

絲內遇閏月加銀三兩

柴薪銀三十七兩五錢脚價銀一兩五錢三分一厘

六絛六忽同舊

直堂皂隸十名銀一百五兩脚價銀五兩一錢三厘

五毫五絲四忽同舊

工部項下共銀一千三百五十四兩四分七厘二毫八絲

九忽五微四纖七沙五塵內

柴夫銀一千七十四兩一錢脚價銀四兩九厘七絲

二忽同舊

木柴銀四十六兩四錢二分七厘七毫五絲脚價銀

四錢七分二厘一毫一絲九忽三微六纖七沙五

塵

倚氏縣志

卷之二

二十三

都水司料銀五十六兩三錢五分五厘七毫八絲六

忽脚價銀五錢三分二厘五毫六絲二忽一微八

纖

新舊胖襖銀一百六十八兩一錢五分舊銀差項下解布政司胖

襖六十二副每副銀一兩五錢共銀九十三兩七

錢五分順治三年奉部文每副加銀一兩二錢共

銀七十四兩四錢今

總名新舊胖襖銀

工部

已上共銀三萬八千六百五十九兩一錢一分四

禮部以後俱係舊

裁扣彙解項下

均從銀差項下

舊額存留項款奉 文節年裁扣共銀一千八百九十

三兩七錢七分五厘五毫三絲遇閏月加銀一十七兩五

內舊編裁剩銀一百四十七兩七分一厘八毫三絲

舊本縣倉夏稅項下麥六十一石四斗五升八合
 一石每石徵銀七錢共銀四十三兩二分六毫七
 絲秋糧項下粟米一百四十三石二斗一升八合
 八勺每石折銀七錢共銀一百兩二錢五分三厘
 一毫六絲 儒學倉夏稅項下麥一百六十石每石
 徵銀八錢共銀八十四兩八錢秋糧項下粟米二
 百四十八石每石折銀八錢共銀一百九十八兩
 四錢 錄差項下布政司副理問柴薪馬夫銀六
 十四兩知縣縣丞主簿典史柴馬共銀二百六十
 八兩儒學教官三員齊夫馬價銀共九十三兩修
 理監倉銀二十兩儒學齋夫六名內裁二名每名
 銀一十二兩共銀二十四兩鄉飲酒禮銀一十五
 兩枝尉山陰府四名稷山府一名共工食銀五十
 兩力差項下知縣縣丞主簿典史儒學公署門
 子共銀七十六兩八錢門主簿典史儒學公署門
 二錢知縣縣丞主簿典史皂隸共銀二百一十六

猗氏縣志

卷之二

二十四

兩縣丞典史皂隸八名裁四名共銀二十八兩八
 錢半級四名裁二名銀一十四兩四錢 民壯銀
 上班工食一千三百五兩六錢歇班工食七百四
 十四兩 額支項下部解民壯官盤纏銀一兩押
 解處決重囚官盤纏銀二兩造寫會審冊銀五兩
 待支項下儒學修宅銀六兩接連傘扇旗幟等
 銀五兩公署三處銀三兩七錢三分鋪設銀十四
 兩四錢七分朝覲本冊什物銀一兩三錢三分四
 厘造寫均徭併益丁文冊銀三兩四錢造寫送
 文卷銀一兩造寫恤刑文冊銀六錢大造軍冊紙
 張筆墨工食銀三兩六錢六分八毫七絲五忽
 襟支項下湖望行香講書紙筆銀九兩一錢二分
 季考生員試卷筆墨花紅飯食銀七兩一錢二分
 署銀八兩管監督草并管工委官盤纏銀一十八
 兩 役支項下遞解夫一十一名共銀八十一兩
 四錢徵銀聽顧甲皂銀一百兩八錢接聽甲皂一
 十六名共銀一百一十五兩二錢徵銀聽顧轎夫
 銀五十四兩庫子四名共銀二十八兩八錢加派
 燈籠油燭銀六兩 監鈔銀二百一十一兩八錢

五分五厘五
毫七絲五忽
凡併四十二條
舊額共銀四千四百九十九兩七錢四分六厘

六毫八絲內除抵充新編院
司道州縣經費等項
共銀一千四百三十三兩六錢二厘又抵傷亡丁

銀六兩四錢九厘又河南道御史王應元題免缺
額徑銀三千四百六十二兩六錢九分三厘八毫

五絲餘為
裁剩解部

順治九年會議裁扣銀二百一十九兩二錢 十一

年會議裁扣銀八兩
舊力差項下本府馬快手一
名工食銀一十八兩裁一兩

二錢書辦一十二名共銀一百二十九兩六錢裁
五十七兩六錢門子二名共銀十四兩四錢裁二

兩四錢皂隸一十六名共銀一百一十五兩二錢
裁一十九兩二錢馬快手八名共銀一百四十四

兩裁九兩六錢看監禁卒八名共銀五十七兩六
錢裁九兩六錢倉書一名工食一十二兩裁六兩

庫書一名工食一十四兩四錢裁二兩四錢燈夫四
在二名工食一十四兩四錢裁二兩四錢燈夫四

倚氏縣志 卷之二 二十五

名共銀二十八兩八錢裁四兩八錢驕夫四名共
銀二十一兩六錢裁三兩六錢民壯五十名共銀三

百六十兩裁六十兩縣丞書辦一名工食七兩二
錢裁一兩二錢門子一名工食七兩二錢裁一兩

二錢馬夫一名工食七兩二錢裁一兩二錢皂隸
裁二名見在二名工食一十四兩四錢裁二兩四

錢典史書辦一名工食七兩二錢裁一兩二錢門
子一名工食七兩二錢裁一兩二錢馬夫一名工

食七兩二錢裁一兩二錢皂隸裁二名見在二名
工食一十四兩四錢裁二兩四錢本縣修宅家伙

銀二十兩全裁 十二年會議舊迎送上司傘扇
銀一十兩

內裁八兩

裁官經費銀四百六十五兩九錢三厘七毫

裁減各衙門吏書工食銀一百三兩二錢 治十八年

議舊知縣書辦一十二名縣丞典史儒學各一名
共銀九十一兩二錢倉書庫書各一名銀一十二

兩全
裁

裁訓導俸薪等銀四十三兩五錢二分

裁訓導齋夫一名門斗一名共銀一十九兩二錢

裁應試生員盤纏等銀四兩一錢一分七厘五毫

以上共裁舊志扣銀一千一十兩二錢一分三厘三絲

康熙十四年為欽奉 上諭事案内裁銀三十六兩五

錢五分八厘七毫五絲內

運司副使聽事吏工食銀六兩 舊七兩二錢前裁過一兩二錢

知縣心紅紙張銀一十兩 舊額設三十兩前裁過十兩

教官喂馬草料銀六兩

倚氏縣志

卷之二

二十六

起送應試生員盤纏銀二兩五分八厘七毫五絲

歲考生員筆墨銀一十二兩五錢

康熙十四年為合計天下之財用等事案内裁銀六百

八十七兩一錢五分八厘七毫五絲內

奉運城巡城官盤纏銀六錢 奉案內條題三十六兩五

起送應試生員盤纏銀二兩五分八厘七毫五絲

歲考生員筆墨銀一十二兩五錢

走遞馬騾草料銀六百七十二兩

康熙十五年為再減存留等事案内裁平陽府馬快手馬

草銀一十兩八錢○本縣馬快手馬草銀八十六兩四錢

教官張馬草料銀六兩○迎春神牛酒席銀一兩二錢五分
康熙十七年為請

旨酌量裁減事案內裁 知縣心紅絨張銀一十兩

迎春神牛酒席銀六錢二分五厘

康熙二十六年為請停歲貢廷試事裁歲貢盤纏銀二千兩

額編兵餉項下 經制新編存留
中抵解本地

存留本省額編兵餉共銀五千九百五十一兩三錢七

分二厘三毫八忽六微內

三關鎮民運銀三千六百七十一兩七錢六分八厘

舊夏稅項下偏頭關保德倉起運麥四百三石七
斗每石折銀一兩共銀四百三兩七錢存留麥七

倚氏縣志 卷之二 二十七

十七石五斗每石徵銀八錢共銀六十二兩 秋
糧項下宣武關萬億倉起運粟米一千八百五十

四石一斗黑豆四百七十三石共二千三百二十
七石一斗每石徵銀一兩內本色三分六百九十

八石一斗三升每石加徵蔞草脚價銀六分五厘
共銀二千三百七十二兩四錢七分八厘四毫五

絲存留粟米二百三十五石九斗黑豆一百一石
共三百三十六石九斗每石徵銀八錢內本色三

分一百一十七升每石加徵蔞草脚價銀六分五
厘共銀二百七十六兩八分九厘五毫五絲德

州庫存留米一千三百二十一石內布一千二百斤准
准米一千二百石每石銀三錢花一千二百斤准

米一百二十石每石銀八錢共銀四百五十六兩
宣武所庫存留粟米一百石內布七十七疋准米

七十七石每石銀三錢花二百三十斤准米二十
三石每石銀八錢共銀四十一兩五錢代州庫布

二百疋准米二百石每
石銀三錢共銀六十兩 凡併七倉口
豐贍庫銀一百五十三兩一錢一分四厘一毫四絲

八忽六微舊豐瞻庫夏稅項下新增麥一斗四升九合二勺六抄五撮每石折銀六錢共

銀八分九厘五毫五絲九忽秋糧項下新增粟共

三斗四升八合二勺八抄五撮每石微銀八錢共

銀二錢七分八厘六毫二絲八忽籽粒粟米一百

四石二斗五升七合每石折銀五錢共銀五十二

兩一錢二分八厘五毫存留草一千二百五十七

束七分一厘八毫二絲七忽每束折銀八分共銀

一百兩六錢一分七厘 凡併四倉口

永豐倉銀七百五十三兩九錢同舊夏稅項下永豐倉麥一千二百五十

石銀六錢 六石五斗每

大盈倉銀四百八十八兩一錢六分同舊秋糧項下大盈倉粟米六

百一十石二斗 每石折銀八錢

蒲州庫銀四十五兩六錢同舊秋糧項下蒲州庫米一百三十二石內布一百

二十元准米一百二十石每石銀三錢花

一百二十斤准米一十二石每石銀八錢

屯糧銀六百三十三兩八錢三分一毫六絲同舊平陽衛屯

義兵銀二百五兩同舊均徭銀差項下義兵四十一名每名銀五兩

站銀起解項下

驛站銀三千三十四兩五錢一分

餘剩起解項下

顏料餘剩銀四兩七錢一分五厘七毫六絲九忽

額外起解項下

商稅酒課匠價銀一百一十九兩三分八厘閏月

兩六錢九分九厘閏月

分九厘閏月

課銀二兩

課銀二兩

倚氏縣志

卷之二

二十八

存留置買造解併各衙門役食項下共銀三百八十五兩

九錢三分八厘八毫七絲四忽八微七纖閏月銀四兩五

錢七分四厘三毫七絲五忽又閏月酒課銀二兩解司

農桑絲絹本色銀一兩九錢七厘一毫五絲解司

戶部料銀八兩二錢一分五厘三毫六忽七微脚價

銀七分九厘六絲二忽一微七纖解司

黃絲木櫃銀三十七兩二錢七分五厘六毫二絲五

忽內解司一十七兩九錢三厘二毫五絲解平陽府一十九兩三錢七分二厘三毫七絲五忽

閏月銀二兩九錢六分一厘八毫七絲五忽內解司二

兩一錢二厘三毫解府八錢五分九厘五毫七絲五忽

倚氏縣志

卷之二

加徵黃絲覓匠價銀三十兩六錢三分七厘五毫解

司十四兩七錢一分五厘解平陽府一十五兩九錢二分二厘五毫閏月銀一兩六

錢一分二厘五毫內解司九錢六厘解府七錢六厘五毫

顏料改折銀二十二兩七錢五厘六毫八絲七忽五

微又顏料本色並鋪墊共銀一十兩六分七厘八

毫一絲二忽五微二項內實解司銀二十八兩五分七厘七毫三絲一忽餘剩銀

四兩七錢一分五厘七毫六絲九忽八起運解部項下

日締價銀一十一兩七錢六分六厘五毫解司

舉人牌坊銀六兩解司

舉人會試盤纏銀四十兩解司

解平陽府快手工食銀六兩

解運司各役工食銀二百一十六兩內轎夫銀二十兩舖兵銀一

十二兩稱斗銀六十兩

存留本縣支給項下共銀一千一百五十一兩七錢五分

一厘七毫

知縣俸銀四十五兩舊俸銀二十七兩四錢九分薪銀二十六兩共六十三兩四錢

九分前裁一十八兩四錢九分

門子工食銀二十二兩舊二名共二十四兩四錢前裁二兩四錢

皂隸工食銀七十八兩舊二百一十五兩二錢前裁一百九十二兩正六年又撥一十八兩作件工食

快手工食銀四十八兩舊設八名每名一十八兩共該銀一百四十四兩舊裁九兩

倚氏縣志

卷之二

三十

六錢康熙十五年又裁八十六兩四錢

件作工食銀一十八兩共四名

轎夫工食銀二十四兩舊四名共二十八兩八錢前裁四兩八錢

禁卒工食銀四十八兩舊八名共五十七兩六錢前裁九兩六錢

傘扇夫工食銀一十八兩舊三名共二十一兩六錢前裁三兩六錢

倉斗級工食銀一十二兩舊四名裁二兩一十四兩四錢又裁二兩四錢

民壯工食銀三百兩舊五十名共銀三百六十兩前裁六十兩

縣丞俸銀四十兩舊俸銀二十四兩三錢二厘薪銀二十四兩共四十八兩三錢二厘

前裁八兩三錢二厘

門子工食銀六兩舊七兩二錢前裁一兩二錢

皂隸工食銀一十二兩舊四名裁二名又

馬夫工食銀六兩舊七兩二錢今

典史俸銀三十一兩五錢二分同舊俸銀一十九兩五錢二分薪銀一十

兩二

門子工食銀六兩舊七兩二錢今

皂隸工食銀一十二兩舊四名裁二名又

馬夫工食銀六兩舊七兩二錢今

儒學俸銀三十二兩五錢二分同

齋夫工食一十八兩舊六名裁三名銀二十

廩生餼糧銀六十四兩前裁經費內裁過

猗氏縣志

卷之二

三十一

膳夫工食銀一十三兩三錢三分三厘三毫舊二名

兩今裁二十六兩六錢六分六厘七毫

門斗工食銀一十八兩舊二十一年裁三兩六錢

關帝廟祭祀銀二十兩八錢三分雍正五年增設春秋每祭銀七兩八錢九分五月十三日祭銀五兩五分

祭祀銀九十五兩同舊丁祭壇祭八塔廟二祭銀八十兩邑厲壇三祭銀一十五兩

孤貧冬衣布花銀一十八兩九錢內月糧銀一兩五錢

舖司兵工食銀一百三十二兩同舊二十二名每名工食六兩

習儀拜牌霜降等銀二兩二錢六分同

迎春神牛酒席銀六錢二分五厘康熙十五年裁一兩二錢五分十七

年裁六錢二分五厘

先農壇祭祀銀三兩五分

起送赴考貢生酒席銀六兩

新中進士旗扁銀三兩三錢三分三厘四毫

同舊以一名為

率旗扁賀儀共十兩三年一辦

新中舉人旗扁銀二兩五錢

舊共十五兩三年一辦

每年銀五兩今裁半

起運續

解部項下

已入原摺數內

歸併平陽衛中所丁徭銀八十八兩五錢一分九厘

五毫

歸併蒲州所丁徭銀七兩八錢六分一厘九毫二忽

二微五纖七沙五塵八渺六埃三漠

猗氏縣志

卷之二

三十二

清出鹽丁徭銀二百六兩

新墾隱漏額內坡荒地糧銀一百七十四兩二錢六

分三厘四毫七絲四忽九微六沙五塵二渺五漠

裁扣彙解項下

已入原摺數內

雍正五年為敬陳管見事案內裁燈夫工食銀二十四

兩

雍正七年為裁減冗閑役食等事案內裁

齋夫工食銀一十八兩

門斗工食銀三兩六錢

以上共起運銀五百二十二兩二錢四分四厘八毫七

七年忽一微六纖四沙一塵六渺八漠內除雍正
五年為咨農事案内奉

乾隆帝廟

祭銀二十三兩八錢八分實起運銀四百

九十八兩三錢六分四厘八毫七絲七忽一微六纖四

沙一塵六渺八漠連前共起運銀四萬九千六百

六十二兩五錢四分六厘三毫四絲二忽八微七

纖六埃二漠

倚氏縣志

卷之二

三十三

六六六二

六千五百五十四六五三三四二八八八

一塵六渺八漠連前共起運銀四萬九千六百

六十二兩五錢四分六厘三毫四絲二忽八微七

纖六埃二漠

倚氏縣志

卷之二

土產

不悉十五一凶之貞淫雖有文武難為化導之術也不辨九州之物產雖有神禹難定惟正之供也倚在冀壤無疇產物同而詳書之何哉曰是物也賦役全書之所從出也士農工商之所從育也禮樂兵刑之所從起也所謂大農之家布帛菽粟不必珠玉綺縠而後為富也食其德何敢畧其事

穀類

大麥

小麥

蕎麥

黍

秫可釀酒

倚氏縣志

卷之二

三十四

菊

芝麻

豌豆

菜豆

赤豆

白豆

黑豆大小二種

豇豆

匾豆

青豆

黃豆

穀

蔬類

芥菜

白菜

茄長圓二種

蔓菁長圓二種

蘿蔔黃白二種

菠菜

蒿苳

葫蘆

芡菱

茗蓬

苜蓿

茄蓬

筒蒿

菜角

扁豆

瓠

葱二種

蒜大小二種

韭

薯蕷即山藥

薯蕷

瓜類

西瓜有二種

冬瓜

南瓜苦甜

北瓜

菜瓜

甜瓜

絲瓜

王瓜

地黃瓜

果類

棗木賤

梨

桃

李青黃朱三種

杏

梅

柰

石榴甜酸二種

林檎

倚氏縣志

卷之二

三十五

蘋果

沙果

柿大小二種

核桃

葡萄

楊梅

木類

榆夾麻二種

楊青白二種

槐有二種

柳有二種

楮

椿有二種

桑黑白二種

桐

楸

栢

椒

竹甜苦二種

花類

合歡

鳳仙

牡丹紅白二種

芍藥紅白二種

薔薇紅白二種

茨薇黃紅白三種

蠟梅

芙蓉

月季

萱草

石竹

葵花

大小二種

玉簪

白紫二色

金盞

鷄冠

紫荆

有二種

木槿

千層榴

紅白二種

水紅花

玫瑰

菊花

甚多種

紅娘子

秋葵

朝陽傾陽

海棠

有三種

玉蘭

迎春

禽類

禽類

鵝

鴨

鷄

鴿

鸕鶿

斑鳩

喜鵲

烏

鴉

倚氏縣志

卷之二

三六

燕

有二種

黃鸝

杜鵑

布穀

黃雀

有二種

啄木

鳶

鴟鵂

紅嘴鴉

鷓鴣

鶯

麻鵲

獸類

汪蘭

汪蘭

馬

牛

羊

驢

羸

豕

貓

狸

狐

兔

獾

犬

狼

田鼠

刺蝟

大藥類

地黃 列香城 并下并來 遠志

車前子

木賊 蘇 王不留行

蒺藜

旋覆 防風

黃芪

天門冬 蒲公英

地骨皮

知母 益母

小薊

大薊 地椒

茵陳

百合 枸杞

桑白皮

檮白皮 地丁

葶蘆

茅根 火麻

香附

倚氏縣志

卷之二

三七

艾 麻 苦丁香

瞿麥

百部 艾 甘遂

芫花

仙靈 鬼箭

柴胡 艾

金銀花 馬鞭

地錦

牽牛 茴香

鼠粘

前胡 艾 蒼耳

露蜂房

沙參 紅花

槐花子

木草類 王不留行

燕菜

首蓿 春可作麥 飯濟飢

蘆葦

葶附子

荻藥

茅

蓬

莎

蒿

羊蹄

鼓子蔓

搗地龍

瓦松

節節草

藍

蟲類

蛇

蝙蝠

蠶

蝦蟆

蜘蛛

螳螂

促織

蝸

蜘蛛種有五

斯螽

黃鼠

蜻蛉

蝶

蝓

蚰蜒

蟬

蚯蚓

蝻

螟蛉

蟻

蝸牛

猗氏縣志

卷之二

三八

蠹

蛾

螢

蜥蜴

壁虎

蚕

蚊

守瓜

蠅

蜂

土鱉

鮫魚

貨類

蠟

香油

草棉花

布

蜜

蠟

麻

論曰職方氏辨土地之宜詳誌其九穀五畜之數豈

以蒐奇獵異哉亦曰制其貢各以其所有而已故攬

物貴紀其實取材唯適于用相如賦上林而引盧橘

夏熟揚雄賦甘泉而陳玉樹青葱左思譏其饒稱珍

怪以爲潤色又況竒物寶貨世不常有而

聖人在上不貴異物珊瑚却貢花石無徵則一切珍竒何
如布帛菽粟取足衣食之資不聞供億之擾者乎倚
壤瘠鹵無山林川澤之利而日暉雨潤品物流形一
方所產固足供一方之用也在倚言倚其華實飛潛
之屬亦不無可紀云

倚氏縣志

卷之二

三十九

之風亦不無可錄云

女伯蓋固吳將一夫之用也其華實錄其華實錄

數畝園隴山林川澤之利而日暉雨潤品物流形一

收亦常錄粟取足衣食之資不聞供億之擾者乎倚

聖人在上不貴異物珊瑚却貢花石無徵則一切珍竒何

如布帛菽粟取足衣食之資不聞供億之擾者乎倚

猗氏縣志卷之二

風俗

政行自上化流于下風俗之所以成也皇古之淳龐不可復見矣洎乎有周武王受命封畢公于魏邠伯于郇成王封叔虞于唐迄今誦唐魏之詩及黍苗之什則當日之邠可知也今去周且三千年矣而入其疆父老子弟或逍遙杖履或秉耒橫經且俗多樸素不尚紛華其去唐勤魏儉幾何哉若立之以禮成之以樂則豐鎬之遺可復也是有望于行政之君子矣

元日

夙興燔栢柴設香案陳牲醴放火燎焚楮幣拜神祀先畢長幼以次稱壽士大夫有祠堂者合族團

猗氏縣志

卷之二

四十

拜然後親明隣里相拜謂之賀歲家各具酒食以相延款

迎春

縣官迎春于東土牛老農察牛形色以占收獲兒女鮮衣競觀起火樹鰲山衢巷塔絲棚鳴金鼓

元宵

沿戶張燈祠廟起火樹鰲山衢巷塔絲棚鳴金鼓猜燈謎賭酒為歡十六夜士女嬉游謂之走百病

清明

具牲醴墓祭掃墳封土掛紙于巔折柳揀頭或豎鞦韆于空地有架杆車輪二式兒女盛飾競攀翻

翻縹緲唐開皇以來所傳半仙戲也

上巳

橋西河堤最勝水

端午

釀黍角扎錦符親者相餉簪艾虎飲菖蒲酒曰辟邪

六月六日

曝衣攤書貯井花水以備造麩

七夕

婦女陳香燭瓜果望黃姑浮鍼乞巧鍼影奇者為得巧

中秋

書館慶舍醖金置酒脯既月為樂唱酬達旦

重陽食糕賞菊之人

或登高燕樂

十月一日

裁五色紙衣黃昏焚門外曰燒寒衣

十月十日

田家赴牛馬王會戴酒封羊倩警者唱琵琶詞以娛神祀畢享酢貴賤老幼皆與

長至

拜賀如元日仕宦之家具牲醴祠祀于家廟農人按視麥根白莖多則豐穰婦女挑芥及春方止

嘉平

煮社粥劑以鹽花薑屑間有施者

臘月二十三

夜祭竈次日掃屋宇

除夕

易門神挑符作春帖長幼暹眠曰守歲

祭鄉儀

附

冠

古禮久廢

婚

論家門不論財物六禮士大夫有全行之者民間惟納采納徵久不行親迎禮

猗氏縣志

卷之二

四十一

喪

厚薄從力士大夫家行儒祭亦數七民間用僧道超度邑紳衛紹芳居喪設奠不用浮屠導殯不用戲樂

祭

後邑紳陳適度治喪亦然識者疑之

祭

士大夫家立祠堂時祭令狐荆王衛氏家廟焉最著民間惟懸祖先遺像致祭

論曰古聖王欲周知五方民情而劑其剛柔通其好

惡焉命太史陳詩納價登之天府故不出戶而知天

下者以天下觀天下也河東陶唐之遺而猗又郇伯

舊封唐風戒荒樂郇人念黍苗見乎蟋蟀下泉之章

則三代以上之風俗猶可想見今晉未分天下莫強

而晉侯以好儉肥其民微獨侯儉其民實蓄故漢志

曰河東本堯所居有先王遺教君子深思小人儉蓄

殆通論也若倚邑土瘠民貧不高不賈秀者爲士朴者爲農士雖嗜學不廢耕耘農急正供僅贍婦子賴天時以食地力瞿瞿蹶蹶終歲靡寧即欲不儉孰與爲奢乎語云國侈則示之以儉國儉則示之以禮倚民何患不中禮貴在富而後教耳故緩二之征三年之積司牧者所宜急講也至若節候推移物華代序天時人事之相因雖達者未能逃俗則吾亦聊從衆焉

倚氏縣志

卷之二

四十二

猗氏縣志卷之二

郵傳

君子宣上德而達下情政教號令之往來非郵弗傳也
倚舊無驛站止于鄰界設舖司五而以村民充之其邑
南杜村鎮爲南北衝途往來迎送絡繹不絕供給之頗
倍于驛站其永無協濟隣馬之例非倖免也

考縣無驛站以介泓芝樊橋兩驛之中存留錢糧倉口
內有走遞驛馬二十四頭支銀六百七十二兩明萬曆
末加派站糧銀三千三十四兩五錢一分從無協濟他
驛之例

猗氏縣志

卷之二

四十三

國朝順治十年臨晉樊橋驛馬戶程文王百俊僞造馬政
全書捏入猗氏縣協馬二頭具告驛傳道邑紳王應元
等具公呈于各上司縣民王四友赴兵部控辨時邑人
王含光任銓部郭四維任禮部而兵部督捕員外則衛
紹芳也因同具揭當事云倚邑原無額設驛遞協濟錢
糧無從增辦且地衝應繁不便更派協馬會新撫陳應
泰出都三人又公言之十一年部咨撫院查報移會驛
傳道周召南詳審同時河津縣民張體秀亦以協馬苦
累控告道府駁審游移經月未定王四友更具狀候撫
院出中道跪訴蒙批布政及各道會審據供猗氏縣西

隣樊橋驛三十五里東隣泓芝驛二十里兩驛故拆館舍滿漢官員兵馬俱歇倚氏雖無驛遞之名更甚驛遞之苦與河津縣僻處北山經年未過一官數世不識兵馬者自當別論况馬政全書應自兵部頒發今大部既云未發則偽造不問自明等語勘實明白呈詳撫院看得驛遞原繫定制協馬自有舊例河津縣協濟樊橋驛馬一十三頭以僻協衝無容再議倚氏縣協馬二頭據王四友嘵嘵稱苦會實無異既無舊例理宜免協蒙院咨部批允如詳免協永爲遵守繳今司道府案卷俱存論曰士大夫居得爲之時邑有利病宜及時謀興革不可少有遷避也倚邑差徭之平自順治八年始也辨去協馬之累自順治十年始也入學定額大縣之例自順治十一年始也徵其時在廷者同心協力何以有此後之君子按年而溯誠知時不可失凡遇機會尚力圖爲地方請命哉

舖舍

邑無驛站惟舖舍傳遞公文西達臨晉凡三舖東達聞喜北達萬泉各一舖明嘉靖三十二年地震屋盡頽後但于舖前立小房一間聽候遞送萬厯間奉監院文又增立郭村舖

城西舖在城西

張廣舖在城西十里

下任舖在城西二十里三舖西達臨晉

大楊舖在城東十里東達聞喜

陳庄舖在城北三十里北達萬泉

烽堠附

東路

小楊墩在城東五里

大楊墩在城東十里

上里墩在城東十五里

倚氏縣志

西路

城西墩在閭外

翟村墩在城西五里

張廣墩在城西十里

上趙墩在城西十五里

下任墩在城西二十里

南路

景滑墩在城東南八里

田村墩在城東南十五里

申村墩在城東南二十里

卷之二

四十五

杜村墩城南十里

香落墩城西十里

論曰秦置每亭三人一長一捕盜一糞除明初徑編
舖司兵亦以軍情爲重文移次之洎太平日久分符
者不以時簡閱軍實而舖兵僅爲轉送文移之用即
輶軒往來塘兵有衛送之名然亦烽寂郵靜引鉦逐
珂而已以故斥堠不嚴武備日弛流寇肆掠所至土
崩雖滄海橫流非一葦所能禦而涓滴不塞卒至揚
波玩寇弛警蓋其積漸使然也

國朝增設伏路塘兵分汛更巡軍情有專屬矣近又分遣

倚氏縣志

卷之二

四六

繡衣使者巡行直省郡縣嚴行保甲操練丁壯簡兵
弭盜之法至詳且備矣守土者可不實心奉行以副
保障屏藩之責乎

倚氏縣志卷之二

兵防

兵農之分久矣有明定屯軍之制得寓兵于農遺意後
太平日久賣刀買犢盡化為農矣我

朝海宇昇平父老不見兵革長劍大戟固無所用之然竊

聞武可不用備不可撤易曰王公設險以守其國又曰

重門擊柝以待暴客蓋無事而預為有事之防也有懷

保障者未雨之謀苞桑之計蓋可忽乎哉

考屯兵明初祖軍二千一百三十五名萬曆間軍士三

百九十八名解補軍士二十名結勘軍士一十六名

倚氏縣志

卷之二

四十七

詳前田賦條

民兵明萬曆間上班民壯一百二十名在縣民壯二百

二十名守城民壯八名巡風民壯四名巡路民壯四名

補兵八名快手八名今見在民壯五十名舖司兵二十

二名馬快手八名

民壯新撥入蒲州府十名

縣城守兵十五名 油杜鎮兵十名屬蒲州營統轄

演武場 舊在城東南明萬曆七年知縣賈一鶚改建城西基址一十一畝七分繚以周垣中置將臺一

座正堂三間廚房一間大門歲于霜降日縣正率僚屬座坊題河東精銳今俱圮

至教場祭旗纛神巡捕官督操行賞罰

烽墩每墩保甲夫六五名鎗刀五旗一鑼一鼓一弓一矢

二十今俱裁去

論曰天生五材誰能去兵故凡一邑之中設教場以訓練立烽燧以巡守修器械以防禦建威銷萌之計則然也明季蒐閱無寔屯兵名隸軍籍未諳步伍一旦徵發遣戍真所謂驅市人而之戰也至民壯捕快亦僅給奔走役使而已卒有緩急未足為用于是督緝之具日踈而流寇得以肆毒令八分四厘五國家軍實練軍醫修簡用武臣以作干城衛民守土之法至詳且備是以四海晏然無犬吠之警適萬里者不持寸兵向非武備修明而任用得人何以致此也

倚氏縣志

卷之二

四十八

哉於古之向非倚倚於限而自限人何以於此也

志續善且衛長以四為是然無大知之警直萬厘警

園營房三座一在初任村東地基一畝四分六厘三毫七絲五忽房十間一在杜村鎮東地基一

畝房十間一在李漢村北地基八分四厘五毫房十間俱雍正二年知縣宋之樹增置

亦對餘表對對而日卒百難意未及謂用干具營

且對發意及真而能驕市人而之彈也至列其蘇外

器有者龍卷可一

館曰天堯正林其志立姑以一出之中始於此以

三十錄去

郵政

力田逢年天地自然之利養生送死人民自盡之倫不
必有待於上也惟當歲之不彗水旱之不時及夫鰥寡
孤獨之無告疾病死亡之無歸天地不能常施其美利
人民不能自謀其死生而有以豫為備之使美利不中
竭代為謀之使生死無終憾此則君相造命之功直濟
夫天人氣數之窮者也故備凶荒哀憫獨二者王政之
大為牧民者所宜亟加之意乎志郵政

預備倉

在縣治西北地基四畝三分舊有南殿三間北殿五間中為官亭兩廂列東西房尋俱傾圮惟

猗氏縣志

卷之二

四十九

存北殿五間知縣宋之樹捐養廉銀於雍正四年建東殿五間雍正七年又建東殿三間又於雍正五年領司庫銀建西殿五間南殿五間新舊共二十二間

豐濟倉

明萬曆間俱廢

養濟院

在縣治東北為收養孤貧之所米於存留倉銀於綱銀內支給舊房傾廢雍正元年知縣夏御乾

重建北房四間西房二間又廢閒地為蔬圃

漏澤園

在城西路北係舊置一在城東路北明萬曆間知縣郭九有增置

育嬰堂

在百里店地基一畝二分房十間雍正三年知縣宋之樹建原係新創營房改為育嬰堂

普濟堂

在上李村南地基一畝三分房十間雍正三年知縣宋之樹建原係新創營房改為普濟堂

